

新編古今事文類聚

五十二

南江富 大用 時可編

三師部

三公

歷代沿革

太師太傅太保古官唐虞有百揆之職即三公殷
 太甲以伊尹為太保紂以箕子為太師周成王立
 太師太傅太保為三公少師少傅少保曰三孤以貳之至是
 始有定制三公之職論道經邦燮理陰陽然未嘗備官周禮
 有六卿無三公周公以冢宰兼太師則三公止為兼官而未
 嘗有專職可見矣秦不師古以丞相御史大夫太尉為三公
 漢襲秦制十間以大司馬大司徒大司空為三公復置太
 師太傅太保始尊師傅位在三公上謂之上三公後漢魏晉江

左因之魏特尊太師太傅太保為三師非動德崇重者不
 居而三公則魏晉之舊也北齊因之後周遠擬周制置三公
 三孤以為論道之官隋唐復依魏晉之法置三師三公三師
 不主事三公參議國之大事置府僚無其人則闕宋初無所
 改政和二年詔司徒司空周六卿之官太尉秦主兵之任非
 三公太尉司徒司空並罷依周制立三少以貳三公紹興復
 置太尉於三少之下大元以太師太傅太保為三師太尉司
 徒司空為三公漢唐舊制也三師師範一人儀刑四海三公
 論道經邦燮理陰陽

羣書要語

立太師太傅太保茲惟三公論道經邦燮理陰陽
 官不必備惟其人書周官坐而論道謂之王公禮

冬官朝士掌建邦外朝之法面三槐三公之位焉禮秋官保保
 其身體傳傳之德義師道之教訓此三公之職也前漢賈誼傳

三公者內與王論道中參六官之事外與六鄉之教地官鄉老注王之三公八命及其出封皆加一等春官上公九命為伯同上上公之禮執桓圭九寸繅藉九寸冕服九章建常九旒樊纓九就貳車九乘秋官公佩山玄玉而朱組綬記玉藻鼎折足覆公餗注知小謀大不勝其任也易鼎卦三公者何天子之相也公羊三公總方而議則天子恭已而已矣荀天設三光以照明天子立三公以明理百寬論三公銓時論道袁宏名臣贊三公者百僚之奉萬民之表也漢詔三公天子之股肱也崔寔政論詩曰三公運權衡李白三槐老更茂東坡蟬冕三公府山谷三師禮數重后山一為公與相潭潭府中居韓明君越義軒天老坐三台李白五雲多處是三台杜五嶽祭秩比三公韓文衡山詩公望冠巖廊唐楊巨源詩鍾鼎勳庸大山河誠誓長道協陶鈞力恩回月光一言歸社稷九命備圭璋同上

古今事考

槐鼎之任

漢光武尤信讖言以王梁孫成各應圖籙越登槐鼎之任

冠冕百辟

齊職品令冠冕百辟從容論道自非勳崇德重無以居之

委任三府

後漢郎顛拜章曰選舉牧守委任三府注三府三公也

三公總務

代宗大曆四年詔西漢以二府分理東京以三公總務

一統萬類

王嘉傳君以道德位在三公以總方略一統萬類分明善惡為

職

職典天地

晉衛瓘奏曰三公職典天地寶掌人物國之大事取義於此

調和陰陽

漢丙吉為相出逢牛喘吉問牛行幾里或以譏吉吉曰方春少陽用事未可太熱此時氣失節恐有所傷害也三公調和陰陽職所當憂是以問之又傅子曰三公佐天子理陰陽無所不統又說苑三公正天下調陰陽節風雨

位典常經

漢王尊劾丞相衡御史大夫禪位三公典五常九經以總方畧一統類廣教化美風俗為職

詔糾非法

後漢章帝二年詔春秋之義以貴理賤今自三公並宜明糾非法宣振威風

秩號萬石

梁制十八班班高者為貴上公班第十八秩萬石六典注又漢制三公號稱萬石百官表

象鼎三足

後漢彭宣傳三公鼎足承君一足不任覆亂美實又環濟要略云三公者象鼎三足共承其上也又揚秉傳三公鼎司無所不統又顯宗紀永平六年王雒山出寶鼎詔曰鼎象三公豈公卿奉職得其理耶又韓非子背私曰公象鼎足也數三者法三光也

朕之腹心

師丹傳策免曰夫三公者朕之腹心也輔善相過正率百僚和合天下者也

人之喉咽

春秋合議圖曰天理在斗中司三公如人喉在咽以理舌語未

均注曰斗為天之舌口主出政教三公導宣君命諭於人則宜如人喉在咽以理舌口如言有條理分紀

開德宣符

天文上三台六星兩兩而居起文昌列抵太微一曰天柱三公之位也在人曰三公在天曰三台主開德宣符也晉天文志

昭德塞違

三台六星西近文昌二星曰上台為司命次二星曰中台為司中東二星曰下台為司祿所以昭德塞違也同上

主宣德化

天文志杓南三星及魁第一星西三星皆曰三公主宣德化調七政和陰陽之官也

猶天三光

漢成帝時何武建言國之輔佐必得賢聖然猶天之三光備三公官各有分職宜建三公官分職授政以考功效又蕭望之言

三公任非其人則三光為之不明今歲首日月失光咎在臣等前本傳

天之三階

漢東方朔對武帝曰願陳泰階六符應邵注曰泰階六符經曰泰階者天之三階也上階為天子中階為諸侯公卿大夫下階為士庶人中階上星為諸侯三公下星為卿大夫之階三階平則陰陽和風雨時天下大安東方朔傳

上應台階

後漢郎顛傳三公上應台階下同元首注三公上象天之台階下與人君同體者也又周禮太宗伯疏上台司命為太尉中台司中為司徒下台司祿為司空

下象山嶽

師保保其身體傳傳之德義師道之教訓此三公之職也三公云
三公之貴皆天子之所以改容而禮貌之也前漢賈誼傳
待以殊敬

安帝朝陳忠上疏曰三公稱曰冢宰王者待以殊敬在輿為下
御坐為起入則參對而議政出則監察而董是非後陳忠傳

一命衮服

王制曰三公一命衮若有加則賜也不過九命三公八命復加
一命則服袞龍與王者之後同

一品金章

齊職儀云三師品第一金章而紫綬進賢二梁冠絳朝服

加賜几杖

沈慶之廢帝時加慶之几杖給三望事慶之每朝賀常乘憤鼻
無憶車履行田園無人從行遇之者不知三公也慶之曰我每

文新

一

游履田園有人時與馬成三無人時則與馬成二今乘此車安
所之乎及賜几杖並固讓

臨軒遣使

成帝臨軒遣使拜太傅太尉司空儀注太樂宿懸於殿庭門下
奏非祭祀宴饗則無設樂之制太常蔡謨議曰九敬其事則備
其禮禮備則有樂今天拜輔相臨軒遣使宜有金石之樂從焉

載輿上殿

魏志太傅鍾繇有膝疾拜起不便朝見使載輿車虎賁昇就坐
是後三公有疾遂以為故事

乘馬出遊

晉王戎位雖總鼎司而委事僚案間乘小馬從便門而出遊見
者不知其為三公也

黃閣鷓尾

陳忠薦曰三公上則台階下象山嶽股肱元首鼎足居職協和陰陽調訓五品

天子所師

漢哀平間始尊師傅之位明雖天子必有所師又唐百官志三師天子所師法無所總職

中書讀策

唐張延賞奏故事冊拜三公中書令讀策侍中奉禮如闕即以宰相攝之

一代之偉

魏文帝即位時司空華歆司徒王朗並先世名臣文帝罷朝課左右曰此三公者乃一代之偉人後人殆難繼也

三公共選

晉劉寔作崇讓論以一官缺擇眾官所讓最多者用之此為一

文新一

子

公缺三公豫選之且主選之吏不必任公而選三公不如令三公自共選一公

大事咨訪

魏初三公無事希預朝政高柔上疏曰古者刑政有疑輒議於槐棘之下自今之後朝有疑議及刑獄大事宜數以咨訪三公三公朝朔望之日可特延入講論得失文帝嘉納焉分紀又隋百官志三公參議國之大事置府僚

謠言奏事

蔡邕上疏曰五年制書令三公謠言奏事是時奉公者欣然得志因漢官儀曰三公聽察長吏臧否人所疾苦條奏之是為舉謠言也

改容禮貌

昔者成王幼在緇抱之中乃召公為太保周公為太傅太公為太

陳舊制三公黃閣聽事置鷓尾後主時蕭摩訶以功授侍中驃騎大將軍時詔摩訶開閣門施行馬聽事寢堂並置鷓尾分紀

黃閣內屏

隋三公府三門當中開黃閣設內屏百官志

夢松生腹

丁固夢松生其腹上謂人曰松字十八公也後十八年吾其為公卒如夢焉

聞車馬聲

晉魏舒未達時嘗詣野王主人妻夜產俄而聞車馬之聲相問寢者誰曰魏公舒自知當為公矣其後果為司徒

雀報白環

弘農楊寶者嘗見一黃雀墜樹下為螻蟻所困寶憐之食以黃花百餘日毛羽成放之後寶讀書有黃衣童子向寶再拜曰我

文新

七

王母使臣為鷓臬所搏賴君拯濟今當使南海不得復住白環四枚與寶曰令君子孫潔白登三公辭去遂絕寶生震震生秉秉生賜賜生彪四世為三公續齊諧記

雀啣三鱸

揚震明經博覽不應州郡禮辟後有冠雀啣三鱸魚隊堂下都講取魚進曰蛇鱸卿大夫服之象也數三法三台也先生自此升矣後位三公後漢本傳

工相佩刀

晉呂虔有佩刀命工相之當為三公虔以贈別駕王祥曰以子有台輔之望故相贈後祥果為太保臨薨以刀授弟覽曰汝後必與足稱此刀覽後歷世多賢才興於江左

手文可占

陶侃左手有文直達中指至橫文上節便絕占者以為此文通

位無極侃針挑令徹血流彈壁上仍作公字以紙裹之公字愈明異苑

父子居位

晉司馬望安平王孚之長子有才偉早著名咸熙中位司徒入晉封義陽王遷太傅大司馬時孚為太宰父子居上公位百代以來未之有也

累世三公

漢楊彪博覽眾書有恭孝稱位至司馬太尉自以累世三公恥為魏臣乃不復行又袁宏袁紹四世五公

黑頭三公

晉諸葛恢傳為臨沂令名亞王導庾亮謂曰明府當作黑頭三公又後魏書宗室元或少有才學當時甚美侍中崔光見而謂人曰黑頭侍中當此人也

文新一

折臂三公

有善相墓者言羊祜祖墓所有帝王氣祜遂鑿之相者見曰猶出折臂三公而祜竟墮馬折臂位至三公晉王祜傳

平世三公

晉武帝云羊徽蔡郎可為平世三公南史

格外三公

齊明帝即位陳顯達以太尉判鄱陽郡公為三公事雖職典連率人以為格外三公陳顯達傳

三公封侯

崔邑為司空封安陽亭侯三公封侯自此始也

三登公台

後漢胡廣在公台三十餘年禮任甚優凡一履司空再作司徒三登太尉又為太傅其所辟命皆天下之士與故吏陳蕃李咸

並為三司蕃等每朝輒稱疾避時人榮之

督察三公

光武時江馮上言宜令司隸校尉督察三公陳元上疏不宜令有司察公輔之名

兼領六卿

周成王立三公而云官不必備惟其人以書傳考之皆兼領六卿未嘗特置也容齋隨筆

我不獨拜

世說王丞相既拜司徒歎曰王喬若過江我不獨拜公

吾不敢先

後漢黃憲字叔度同郡陳蕃為三公臨朝歎曰叔度若在吾不敢先佩印綬

三公備貞

文新一

九

後漢光武雖置三公事歸臺閣三公之職備貞而已

天下無人

晉陸玩謂賓客曰以我為三公是天下為無人

布被釣名

汲黯曰弘位三公俸祿甚多然為布被此詐也上問弘弘謝曰有之夫以三公為布被誠飾詐以釣名公孫弘傳

食不兼味

長孫道生拜司空加侍中性忠厚廉謹身為三司而友不華飾食不兼味一熊皮障泥十年不易時人比之晏嬰分紀又漢紀

荀爽為三公食不過一肉脫粟飯

並除雙貞

真宗天禧元年司徒平章事王旦彭王元儼同日降制加大保三公並除雙貞

坐見庶僚

元豐三年除太尉判河南文彥博至河南未交印先就第廟坐以見監司既交府事見監司府官如常式或以問彥博彥博曰吾未視府事二公見庶僚也既交印河南尹見監司矣六年請老拜太師致仕事畧

九居八座

張齊賢四踐兩府九居八座以三公就第康寧福壽世罕其比事畧

手植三槐

王文正公曰沉默好學父祐器之常曰此兒異日必為三公輔臣因手植三槐於庭以為識

古文集

雜著

文新一

三槐堂銘

蘇軾

天可必乎賢者不必貴仁者不必壽天不可必乎仁者必有後二者將安取衷哉吾聞之申包胥曰人衆者勝天天定亦能勝人卅之論天者皆不待其定而求之故以天為茫茫善者以怠惡者以肆盜跖之壽孔顏之厄此皆天之未定者也松柏生於山林其始也困於蓬蒿厄於牛羊而其終也貫四時閱千歲而不改者其天定也善惡之報至於子孫而其定也久矣吾以所見所聞所傳聞考之而其可必也審矣國之將興必有卅德之臣厚施而不食其報然後其子孫能與守文太平之主其天下之福故兵部侍郎晉國王公顯於漢周之際歷事 太祖 太宗文武忠孝天下望以為相而公卒以直道不容於時蓋嘗手植三槐於庭曰吾子孫必有為三公者已而其子魏國文正公相 真宗皇帝於景德祥符之間朝廷清明天下無事之時享

其福祿榮名者十有八年今夫寓物於人明日而取之有得有
不而晉公脩德於身責報於天取必於數十年之後如持左契
交手相付吾是以知天之果可必也吾不及見魏公而見其子
懿敏公以直諫事 仁宗皇帝出入侍從將帥三十余年位不
滿其德天將復與王氏也欤何其子孫之多賢也世有以晉公
比李栖筠者其雄才直氣真不相上下而栖筠之子吉甫其孫
德裕功名富貴略與王氏等而忠信仁厚不及魏公父子由此
觀之王氏之福蓋未艾也懿敏公之子鞏與吾遊好德而文以
世其家吾是以錄之銘曰 嗚呼休哉魏公之業與槐俱萌封
植之勤必世乃成既相 真宗四方砥平歸視其家槐陰滿庭
吾儕小人朝不及夕相時射利皇郵厥德庶幾僥倖不種而獲
不有君子其何能國王城之東晉公所廬鬱鬱三槐惟德之符
嗚呼休哉

律詩

文新一

十一

君臣慶會閣二首

汪藻

相第新成室閣開簫韶声自九天來恩榮屢遣王人出慈慧仍
宣禁從陪 御筆丹青爭炳煥宸章雲漢共昭回君臣慶會誠
難得舜禹方資稷契才

萬疊彤雲拂曉開使華親自日边來恩頒御墨函初啓燕及群
臣鼎有陪仙掌共承霄露滴客槎擬泛斗星回人間未識乾坤
象斧藻先憑造化才

一德君臣運有開千齡盛事冠將來神仙迥與人寰隔賓主親
緣國論陪賀履有情均鼓舞攀雲无路独遲回尚憐夙被奎文
潤曾是崇寧樂育才

南江 富 大用 時可編

○三師部

太師

歷代沿革

太師古官也殷紂時箕子周武王時太公成王時周公並為太師周公薨畢公代之周武王時周公旦為太宰掌邦治居六卿之首太師之職秦漢不常置平帝始復置漢東京獻帝初董卓為太師卓誅又廢魏世不置晉初依周禮備置三公太師居首以景帝名師置太宰以代之太宰即古之太師也後齊循後魏置太師太傅太保為三師唐置太師一人以儀刑四海宋朝尤重太師趙韓王以勳文潞公以年方得之比曠年不拜自司空五遷方至太師大元

詳見三公類

羣書要語

尹氏大師維周之氏詩節南山維師尚父時惟鷹揚大雅赫赫師尹民具爾瞻同上太師維垣注墻

也太師為垣墻屏蔽之義詩板篇王若曰父師今予祗命公以

周公之事書畢命召公為保周公為師相成王為左右書太師

官之極五代史天子禮樂是經學業不法凡是之屬太師訓之

同上太公股肱周室昨太師以表東海左哀十四冠二公之首

為四逸之儀六帖文王得尚父於盤溪以為師史記師也者教

之以事而諭諸德者也記文王世子伊尹奉鬻王歸于亳王拜

手曰既往背師保之訓弗克于厥初尚賴匡救之德書太甲登

拜師垣曾文肅除皇叔穎制以一品之貴紹聖除制躋上公之

品秩初寮除鄭紳制公師帝師類要德茂師台揚大年制公

師極品曾曲阜制帝師維垣公是制維師極品曲阜行太師制

卿勲在朝社名聞華夷 東坡文太師口宣

詩 我公厭富貴常苦勲業尋 東坡次韻韓太師 文武成功後

居為百辟師 韓愈賀裴公 元輝極上台 山谷

古今事實

賜杖免朝

前漢平帝即位太后稱制王莽白太后帝幼少宜置師傅乃以孔光為太傅明年徙光為太師莽為太傅光常稱疾不敢與莽並及莽為宰衡位諸侯王上光愈恐固稱疾辭位太后詔無朝十日一賜食賜太師靈壽杖黃門令為太師省中位坐置几太師入省中用杖

替拜不名

隋高祖受禪李穆來朝高祖降坐禮之拜太師替拜不名子孫雖襁褓悉拜儀同一門執象笏者百餘人貴盛當時無比

文新二

縞巾居位

蜀李壽以安車束帛聘龍其壯為太師壯固辭特聽縞巾素帶居師友之位 晉書

鴻鵠遠志

漢獻帝時董卓自號太師御史中丞以下皆拜皇甫嵩與卓爭權後高為中丞見卓拜卓曰可以服未嵩曰安知明公乃至於是卓曰鴻鵠固有遠志但燕雀不知爾嵩曰昔與明公俱為鴻鵠但明公今日變為鳳凰卓笑曰卿早服何得不拜

舊德自處

馮道為太師以舊德自處然當世之士無賢愚皆仰道為元老而喜為稱譽 五代史

正色立朝

顏真卿德宗立拜太師立朝正色剛而有禮贊云晚節偃蹇為

姦臣所擠毅然之氣折而不沮可謂忠矣唐本傳

全德始終

裴度拜太師平章事四朝以全德始終及歿天下莫不思其

風烈本傳

就賜器幣

宋朝淳化二年遣右正言張康齋太師趙普生辰器幣鞍馬就西京賜之故事非同平章無生辰國信之例上以普勳舊故特異其禮會要

璽書加賜

趙普上章告老拜太師封魏國公給宰相俸仍遣其弟齊詔賜之又遣使以璽書賜普曰朕以居守之重慮煩耆羣維師之命用表尊賢仍賜銅羊上尊酒太師其愛精神以副眷注之意東都事畧

文新二

以尊老成

文彦博召赴闕司馬公言君令以正太師平章軍國重事亦足以尊老成矣遂詔一月兩赴經筵六日一入朝至都堂商量事事畧

編歷公孤

文彦博疑簡莊重有大臣躰位將相者五十餘年編歷公孤兩以太師致仕雖位貌隆重而平居接物謙抑尊德樂善如恐不及邵雍程顥程頤以道學名世而彦博與之交遊元豐中與富弼等十一人為洛陽耆英會同上

未嘗並除

故事太師未嘗並除紹聖初始有文潞公彦博吳榮王顥宣和中蔡魯公京童貫鄭平樂王紳靖康初燕王俱越王德紹興中申王檜張魯王俊紹興末史會稽王浩嗣秀王伯圭朝野

特拜加恩

建隆至紹熙宰臣生拜太師者五趙普文彥博蔡京秦檜史浩
惟蔡秦二人以相臣特拜其他皆還政加恩云朝野雜記

獨班減拜

元祐元年四月詔守太師致仕文彥博赴闕獨班起居減拜有
輿至下馬處子弟一人扶掖出入儀制依見任宰臣會要

宗室特拜

本朝親王生拜太師者五人楚王元佐燕王元儼吳王灝燕王
俛越王偲皆以父兄行而得之紹熙中嗣秀王伯圭以宗室特
拜太師蓋王以光宗為親叔父用優禮也同上

元臣優拜

西京留守太保趙普為太師西京養疾以晉開國元臣故優拜

非常例也分紀

古今文集

雜著

除文彥博太師制

鄧潤甫

師傳道之教訓先王所以迪厥官老成重於典刑天下所以資
其智迺眷舊德時謂元勳謀合祖宗之心名載鼎彝之器申頒
贊策播告外朝守太師開府儀同三司文彥博廓大而清明方
嚴而信厚出則秉乎旄鉞入則總我鈞衡文武兼備其才夷險
能致其力畢公之弼四世三紀于茲傳說之總百官萬邦其又
爵隆無富溢之累名遂有身退之榮神明相其壽康人心想其
風采是用還之論道倚以經邦以帝者之師臣謀議廟堂之上
以天下之大老制馭夷狄之情庶幾有為底于極治晉陪多井
申衍真封於戲呂望惟賢起佐文王之治周公已老留為孺子

之師矧我耆英無愧前哲往宣一德用格多盤

除文彥博太師河東節度使致仕制 蘇轍

周公未嘗之魯老亦居豐留侯晚雖彊殲終不任事蓋委寄之重初無間然而止足之風所不敢廢惟我耆舊歷事祖宗續服之初復命以位雖師保之地優秩不煩而立樊之心朝夕以請布告在位俾聞高風太師平章軍國重事上柱國潞國公文彥博克孝而忠允文且武其在師旅有方召之勲其在朝廷有崇環之業士民視其去就夷狄震其威名時更四朝躬蹈一節先皇帝愍勞以事既許其歸越予訪洛之年凜有涉淵之志起之既老待以仰成出入五年終始全德進而論道日聞典訓之言倚以折衝率靖邊防之警晏成功而不處指莫景以求安勤請屢聞誠心莫奪顧瞻閭井近在洛師郭氏有永巷之嚴裴公有綠野之勝豈以簪紱之累久致形氣之勞貴極上公既無復加之爵秩分領全晉仍畀父還之節旄增廣舊封益銜直食殫盡人臣之寵歸從父老之遊於戲音聲不遐尚有就問之禮几杖以俟復期親祀之陪勿以進退之殊而廢謀猷之告式燕且吝俾壽而康

文新二

一

賜太師文彥博乞致仕不允批荅 蘇軾

昔師尚父九十秉旄杖鉞猶未告老此諸葛元遜所以屈張昭也而衛武公百年猶箴儆於國曰無以我老耄而捨我此左史倚相所以誨申公也今卿壽考康寧而退託裝病自引求去獨不念天下之士有如彼二子者議其後乎姑安厥官以荅公論

賜太師文彥博乞致仕不允批荅 蘇軾

卿出入四世師表萬民無羨於功名而有厭於富貴其所以忘身徇國捨逸就勞者豈有求而然哉凡以先帝之恩生民之欲也卿之在朝如玉在山如珠在淵光景不陳而草木自遂去

就之際損益非輕昔西伯善養老而太公自至魯穆公無人子思之側而長者去之卿自爲謀則善矣獨不爲朝廷惜乎樂餌有間時遊廟堂家居之樂何以異此

回文大師啓

歐陽脩

方脩啓切承顯奉制因荐膺寵拜伏惟驩慶恭惟太師太中器深宏達業茂經綸弛張文武之才出入將相之任而日者來觀冕旒之邃喜聞履舄之聲從容詰詰固多仁者之利體貌耆哲是惟先帝之臣宜加異數之優以爲一面之重維方勞於憂顧藉有素之威名然而患輕四支不足此搔於蟣虱坐制萬里理當根本於朝廷即期廊廟之來歸始慰士夫之素望過蒙謙挹曲示誨言趨賓所以無由積感悰而徒切律詩

上蔡太師生辰

汪藻

萬古儲英氣生賢鎮廟祧方春回暖律隨帝下神霄早歲陪興運清忠照適僚二篇俱說命兩紀獨承堯爲國隆堂陞中天幹斗杓光華歸使謀寧謚載民謠九牧金成鼎三山石峙橋元圭來舊錫神寶獻新雕堂起房心次音諧角徵韶車書人一統符瑞歲千條壁海材逾盛沙場虜不驕獻琛皆累譯入穀有垂髻郭解雙封國班超五日朝嘉謀從昔合願業更誰昭眷禮群臣異恩光此日饒授圖開地壯傍闕築堤遙供帳移金屋歌鍾實綺寮名園藏茂密華閣登名義詔蹕迂臨幸宸毫紀宴招弟兄聯袂繡孫子列蟬貂印璪金垂爲彩魚懸玉在腰中姻連築心外族綴塗椒帝子傳孟杓宮嬙侑鼓簫果新無獨享羨羨或親調

上蔡太師生辰

汪藻

宇宙將昭泰風雲必會同帝師黃閣老人羨黑頭公慶節同堯

曆新陽應嶰筒儀韶來彩鳳占夢得真能壽考天資魯神靈嶽
降嵩典儀尊赤舄歌詠美彤弓夷險無殊節誠明信保躬濟川
先衆揖遵渚集飛鴻炳炳丹青筆堂堂社稷忠斗杓還列宿簾
陛倚曾鸞文武俱為憲詩書執此隆規模三代遠謀畧萬夫雄
字畫諸王品文章兩漢風早登青瑣闥頻入紫微宮器敏無餘
刃才豪妙吐虹聲光連日月氣旣俯華戎天上經綸合人間制
作工向來凝庶績誰復簡清衷經誦三雍富舟車四海通地歸
銅柱北春滿玉關東養士菁莪盛論才駿馬空聖時方密勿賢
業助昭融螭紐乾符正龍文帝飛崇伊湯咸有德房杜不言功
禮秩群臣異恩波此日豐辰章頒琬琰相第列幘幪東壁文昭
爛西昆氣鬱葱節旄藏祭戟茅土啓龜蒙袞繡卿雲裏貂蟬瑞
藹中御奩金寶帶神廐玉花驄蓬島波全濶天鈞樂未終禁香
紛縹緲朝佩雜玲瓏芝草盈田紫蟠桃照海紅後彫疑秀髮難
老湛方瞳冰質期姑射丹砂喚葛洪潛機神宇定睥表德符充
瑞鶴千年羽靈著五色叢舊傳調鼎客今識釣璜翁世世聯台
衮年年拱帝聰欲知耆筭永元氣等無窮

文新二

七

太傅

麻茂公革

太傅古官也太傅品秩冠服同太宰**成王**即位周
公為之後康叔畢公亦為之**秦**無其職**漢**惠帝崩

高后元年以丞相王陵為少帝太傅金印紫綬位在三公上

後漢光武惟置太傅有府寮拜故密令卓茂為之明帝以鄧

禹為之章帝以下初即位皆置太傅錄尚書事**魏**初唯置太

傅以鍾繇為之**晉**宣帝為魏太傅齊唯置太傅**梁**武帝受命

之初官班多同宋齊之舊有太傅**陳**以為贈**後齊**置太師太

傅太保是為三師**唐**置太傅一人**大元**見三公類

君臣之道也

凡三王教世子立太傅少傅以養之欲其知父子君臣之道也書周官天子不惠於庶人不信於諸

侯不戒於戎事凡事之屬太傅之任大戴記傳相天子於德義書孔安國注太傅審父子君臣之道以示之少師奉世子以觀

太傅之德而審喻之太傅在前說文王世子

詩句吾愛白樂天逸才生自然誰謂辭翰器乃是經濟賢皮日

休白大傳詩賢相謝世運遠圖因事止高揖七州外拂衣五湖

裏注賢相太傅謝安也文選謝靈運述祖德詩

古今事實

逃奔國盜

晉使隨會為太傅於是晉國之盜逃奔于秦左傳

芟夷闔宦

陳蕃年十五嘗閑處一室無穢不掃曰大丈夫當掃除天下安

文新一

事一室乎竇后臨朝以蕃為太傅錄尚書事蕃與后父大將軍

竇武同心盡力徵用名賢共參政事其志欲芟夷闔宦以清本

朝

正身立朝

趙熹內典宿衛外幹掌職正身立朝未嘗懈惰肅宗即位進為

太傅錄尚書事

在位修身

和帝即位以鄧彪為太傅錄尚書事賜爵關內侯永光初竇氏

專權驕縱朝廷多有諫諍而彪在位修身而已不能有所匡正

研覈是非

曹植輔臣論曰精微聽察理析毫分規矩可則阿保不傾群言

系于口而研覈是非典誥總于心而唯所用之者遂拜太傅

練達事體

後漢胡廣字伯始為太傅年八十四練達事體明解朝章雖無
蹇直之風屢有補闕之益故京師語曰萬事不理問伯始天下
中庸有胡公本傳

无咎无吝

後漢胡廣贊曰鄧張作傳无咎无譽胡公庸庸飾情恭貌朝章
雖理據正或撓

三讓彌高

和帝策鄧彪曰元功之族三讓彌高可令為太傅百官志

百僚為式

鄧彪在位清白為百僚式和帝即位拜太傅多有諫爭漢本傳

賜爵封侯

漢元帝即位蕭望之周堪本以師傅見尊重後詔御史國之將
興尊師而重傅前將軍蕭望之傳朕八年道以經術敬功茂焉

入新二

其賜爵關內侯給事中蕭望之傳

北向如賓

漢明帝以鄧禹先帝元功拜為太傅進見東向其甚見尊寵注臣
當北向尊如賓故令東向鄧禹傳

恩寵莫比

和帝即位幼弱以鄧彪有高名海內歸仁召為太傅百官總已
以聽之恩寵之隆莫與為比通鑑

載車上殿見三公門

乘輿上殿

晉何曾為太傅乞遜位詔令會朝劔履乘輿上殿如漢相國蕭
何魏太傅鍾繇故事焉本傳

几杖不朝

晉鄭冲抗表致仕詔曰太傅韜德深邃履行高潔可謂朝之雋

老屨以年高告退令聽其所執以壽光公就第位同保傳几杖
不朝本紀

賜几杖車馬

光武即位詔曰前密令卓茂名冠天下當受天下重賞今以茂
為太傅封褒德侯賜几杖車馬卓茂傳

給帷帳床褥

後漢張禹拜太傅錄尚書事劉蒼以殤帝幼育欲令重臣居禁
內乃詔禹舍宮中給帷帳床褥太官朝夕進食五日歸府每朝
贊與三公絕席本傳

賜女樂田畝

北齊高歸彥作亂冀州段紹與東安王樓叡率眾討平之遷太
傅賜女樂十人并歸彥田園一千畝

金印紫綬見弘革

文新二

十一

三為太傅

後魏淮陽王欣大統中為太傅文帝為欣曰王三為太傅再為
太師自古人臣未聞有此例欣遜謝而已

三世元老

章帝詔曰行太尉事趙熹二世在位為國元老其以熹為傅時
年八十繼母在堂言不稱老東觀漢紀

不驕勢位

後周王盟為太傅姿度弘雅仁而泛愛雖居師傅禮冠羣后而
謙恭自勵未嘗以勢位驕人

不持威儀

達奚武拜太傅賤時好華飾及居重位不持威儀行常單馬門
不施戟常書揜一扇或謂武曰公位冠羣后功名蓋代出入儀
衛不稱具瞻何輕率若是武曰且天下未平國恩未報安適事

威儀乎言者歟而退分紀

自號退傳

張士遜上章請老就拜太傅進封鄧國公致仕宰相謝事自士遜始也就第十年而薨年八十一士遜歸老號退傳啓國於鄧范仲淹適守鄧州士遜還鄉仲淹置酒高會明日士遜復置會揮金甚盛時人榮之東都事畧

退閑杜門

紹興十一年韓世忠以太傅奉朝請秦檜主和議世忠乃力求閑退自此杜門謝客絕口不言兵時騎驢携酒從一二童奴游西湖以自樂平時將佐亦罕得見係年錄

進封國公

紹興十一年少師樞密使濟國公張俊除太傅進封廣國公又十一月太保樞密使韓世忠除太傅仍奉朝請

古今文集

雜著

除呂公弼樞密使檢校太傅制 張方平

本朝之制地分二府之嚴執政之臣共幹庶邦之重文武承式兵民是圖屬在賢明總司使職誕敷明制敷告大廷具官呂公弼器縕純明機靈精遠環林任重中廣厦之棟梁雅音自和合清廟之琴瑟登貳樞機之密治聞議慮之長屢陳憂國之言多發便時之策深明玉体有簡朕心宜陞帝傳之崇以正本兵之任爰田增賦真食衍封名器益隆典章允穆於戲信而能用嘗思明哲之難知無不為期盡臣鄰之益祇若休命以贊大猷

王介甫贈太傅制

宋景文

勅式觀古初灼見天命將有非常之大事必生希世之異人使其名高一時學貫千載知足以達其道辨足以行其言瑰璋之

文足以藻飾萬物卓絕之行足以風動四方用能於期歲之間
靡然變天下之俗具官其小學孔孟晚師瞿曇網羅六藝之遺
文斷以己意批糠百家之陳迹作新斯文屬熙寧之有為冠羣
賢而首用信任之篤古今所無方需功業之成遽起山林之興
浮雲何有脫疑如遺屣爭席於樵漁不亂羣於麋鹿進退之美
雍容可觀朕方臨御之初哀疚罔極乃眷三朝之老邈在大江
之南究觀規模想見風采豈謂告終之問在予諒闇之中胡不
百年為之一涕於戲死生用捨之際孰能違天賄賂哀榮之文
豈不在我寵以師臣之位祭為儒者之光庶幾有知服我大命
可贈太傅

律詩

紀送太傅相公歸闕

范仲淹

縉紳誰敢望差肩獨向昌朝協半千首會墨龍游少海親扶日

文新二

十一

月上中天碧油兩就元戎鎮黃閣二提冢宰權坐致唐虞成大
化退居師傅卷高年閑披丹訣開爐竈醉度清歌被管絃同榜
幾人登將相滿朝今日望神仙松楸雍阜思純孝里巷揮金過
昔賢歸赴誕晨知允說輕鞍拜舞壽觴前

張太傅生日詩

晏元獻

三陟槐庭二將壇冊書文武載勳賢辭榮尚峻經邦秩卷素方
臨釣渭年清會別開金谷墅新吟多雜藻珠篇驚羨今日增華
耀海內簪紳共祝延

太保

歷代沿革

太保古官商大甲時伊尹為之周成王時召公為
之漢平帝元始元年初置金印紫綬次太傅始用
王莽為之後漢至魏不置末年以鄭冲為之晉武初以王祥

為太保進爵為公梁武受命之初官班多同宋齊之舊有太保陳以贈官後齊置太師太傅太保為三師唐太保一人天寶以前唯以其官贈嘗季謀而已

羣書要語

入則有保保也者慎其身以輔翼之而歸諸道者也記文王世子慎其身者謹安護之禮記注保安

也以道安人主者也書曰召公為保相成王為左右禮地官既

往背師保之訓弗克于厥初尚賴匡救之德書太保保安天子

於德義尚書注在大甲時則有若保衡注伊尹為保衡言天下

之所取平書君奭昔先正保衡說命公曰君告汝朕允保奭其

汝克敬君奭太保朝至于洛卜宅厥既得卜則經營書召誥太

保所以訓護人主導以德義者也通典

詩句詔出未央宮登壇近總戎上公周太保副相漢司空弓抱

關西月旌翻渭北風弟兄皆許國天地荷成功岑參軍送太保

古今事類

作旅葵訓

周武王時西旅底貢厥葵太保作旅葵用訓于王

相宅洛邑

成王在豐欲宅洛邑使召公先相宅作召誥曰惟太保先周公

相宅

尚德依仁

晉帝詔曰太保何曾尚德依仁明允篤誠翼贊先皇光濟帝業

分紀

崇道弘化

王隱書曰王祥自休徵拜太保制曰耆艾元老高行清粹朕所

倚毗以崇道弘化

明允篤誠

太保衛瓘明允篤誠有匪躬之志晉起居注

含素遲暮

晉書贊曰鄭冲含素王祥遲暮冲與祥俱曾為太保冲後遷為太保

對掌朝政

晉汝南王亮為錄尚書事與太保衛瓘對掌朝政分紀

善於撫士

蜀李雄錄曰雄異母兄始字伯敬為太保善於撫士衆多歸之時人為之語曰欲養老屬太保

給兵千人

晉衛瓘字伯玉告老遜位進位太保以公就第給親兵百人置長史司馬從事郎掾屬惠帝即位復給瓘千兵

加置七官

文新二

十一

晉武初踐祚以王祥為太保進爵為公加置七官之職

即家封拜

趙光逢以司徒致仕天成中即其家拜太保封齊國公五代史

門無雜賓

晉王祥薨奔赴者非朝廷之賢則親親故吏而已門無雜乎之賓族孫王戎歎曰太保可謂清達矣

同日降制

宋天禧元年司徒平章事王旦荆王元儼同日降制加太保三公併除雙負自此始也

再任加封

熙寧元年潞國公文彥博守太保兼侍中再任彥博辭太保止受所加封再任從之會要

使相改除

紹興十年少保萬壽觀使兼三鎮節度使劉光世除太保少師
充京東宣撫處置使韓世忠除太保

吾人文集

雜著

答史太保別紙

朱元晦

喜昨者狂妄輒以瞽言仰瀆崇聽自循分守當得譴斥之罪不
謂高明博大無所不容誨答諄諄整竭底蘊二復自幸不惟私
以免於罪矣為喜而又得側聞前此告猷之益天下已有陰受
其賜者尤切增氣尚恨未得躬扣昌言之目以發蒙昧耳今者
邊事益急變異存臻人無智愚共以為懼然喜淺陋切以為境
外之傳未足憂而譴告之深為可畏也今朝廷於其不足慮者
既已過為之防而於其深可畏者反未有處喜甚惑焉夫以災
異而求直言歷世相傳具有故實明公身為天下大老誠有憂
國之心不當俯及細務願以此意為上一言使幽險之情得以
上通則天下之言皆明公之言而明目達聰感召和氣皆明公
之功矣感激容貸之恩懷不能已敢復言之俯伏俟罪

南江富 大用 時可編

三公部

太尉

歷代公華

堯時舜為太尉秦時金印紫綬掌武事漢惠帝六年置太尉官孝文三年置七年省武帝建元二年置五年省元狩六年法周制更名大司馬世祖建武二十七年罷大司馬復置太尉靈帝末以劉虞為大司馬而太尉如故齊太尉品第一梁武初同宋齊之舊有太尉後齊置太尉司徒司空為三公後魏有大將軍不置太尉正光以後並置唐太尉一人宋仍唐舊政和二年御筆改太尉為武選一品之任在節度使上

大元以太尉司徒司空為三公

羣書要語

孟夏之月命太尉贊傑俊遂賢良率長大行爵出祿必當其位月令掌四方兵事功課歲盡即奏其殿最而待賞罰九郊祀之事掌亞獻九國有大造大疑則與司徒司空通而論之國有過事則與三公通諫諍之本注三公星在北斗杓南主宣德化和陰陽若今之太尉司空之象也天文錄

詩句對某陪謝傳把劍覓徐君杜別房太尉墓家呼小太尉國號大涼公杜牧時李晟官至太尉子勣亦贈太尉

古今事實

憂心如醉

劉寬為太尉常於坐被酒睡伏靈帝問曰太尉醉耶對曰臣不敢醉但任重責大憂心如醉

冲心愈約

郗鑒為太尉雖在公位冲心愈約勞謙日昃誦玩墳索自少至

長身無擇行

有不貳心

冲帝詔書曰太尉趙峻二世掌典樞衡有匪石不貳之心

有三不惑

揚秉為太尉嘗曰我有三不惑酒色財天下稱為名公

中正不撓

冲帝詔書曰三公國之棟幹朝廷取正以成斷金大司農李固公族之苗中正不撓有史魚之風其以固為太尉

恭慎自守

王龔為太尉在位恭慎自守非公事不通州郡書記其所辟命皆海內長者

左袒安劉

漢高祖疾甚呂后問大臣上曰周勃重厚少文然安劉氏必勃

文新三

也可令為太尉帝崩呂氏謀為亂太尉勃持節入北軍呼曰為劉氏者袒左為呂氏者袒右軍皆袒左為劉氏

入租助國

張禹為太尉時連歲災荒府藏空虛禹上疏求入三歲租稅以助郡國瘠假

觸目琳琅

有人詣王太尉遇安豐大將軍丞相在往別屋見秀獵平子還語人曰今日之行觸目琳琅与珠玉世說

每顧髮豎

唐宣宗即位李德裕奉冊太極殿帝退謂左右曰曷行事近我者非太尉耶每顧我毛髮為森豎翌日罷為檢校司徒同中書門下平章事

奏劾近官

楊秉除太尉時中常侍侯覽參為益州刺史累有贓罪暴虐一州秉劾奏參檻車徵詣廷尉參惶遽自殺秉因奏覽及中常侍具瑗書奏尚書召對秉椽屬曰公府外戚而奏劾近官經典漢制有故事乎秉使對曰春秋趙鞅以晉陽之甲逐君側之惡傳曰除君之惡惟力是視漢世故事三公之戚無所不統尚書果能詰

單坐使人

靈帝以羊續為太尉時拜三公者皆輸東園禮錢千萬令中使督之名曰左騶其所之往輒迎致禮敬厚贈賂續乃坐使人於單席率溫袍以示之曰臣之所資惟斯而已左騶白之帝不悅以此故不登公位騶騎士也

不受遺金

太尉范隆曾有所薦得美官者於閣中以金遺隆隆數而責之

文新三

言人不知也謹不敢漏泄父母兄弟隆曰神已知之其可取耶遂絕之崔鴻前趙錄

還所賜物

李咸孤特自立自大鴻臚拜太尉自在相位約身率下常食脫粟飯醬菜而已刺史二千石牋記非公事不發省以先乞骸骨見許悉還所賜物乘弊牛車而去

白鹿隨車

鄭弘為臨淮太守行春有兩白鹿隨車挾轂而行弘恠問主簿賈固鹿為吉凶固拜賀曰聞三公車圖畫作鹿明府當為宰相後果為太尉

飛鵲墮印

後漢常山張顥為梁相天新雨後有鳥如鵲飛翔稍下墮地人取化為一圓石顥椎破之得金印曰忠孝侯印顥表上聞藏之

秘府靈帝時至太尉博物志

使者八至

晉相溫授侍中太尉固讓不受旬月之間使者八至輅車相望於道

公台三登

胡廣在公台二十餘年歷事六帝禮任甚優凡一獲司空再作司徒三登太尉又為太傅其所辟命皆天下名士

以副衆望

孫皓詔曰范慎勳德俱茂朕所倚憑宜登上公以副衆望可為太尉

為立五廟

唐李晟為太尉詔為晟立五廟官給牲牢祭器牀帳禮官相儀以稱焉後李晟子朔亦為太尉

文新三

楊氏四世

楊震秉賜彪四世為太尉德業相繼為東京名族

唐與七人

唐李德裕拜太尉固讓言唐與太尉惟七人臣願守舊秩足矣帝曰吾恨無官酬公無固辭

金章紫綬

齊太尉品第一金章紫綬進賢二梁冠絳朝服佩玄玉

玄衣纁裳

晉制郊廟太尉冕服七旒衣纁裳服七章

置屏隔坐

鄭弘少為鄉嗇夫太守第五倫行春見而奇之召署督郵後弘為太尉時奉將第五倫為司空班次在下正朔朝見弘曲躬而自卑帝問之知其故遂聽置雲母屏風分隔其間由此為故

事文)朱寵為太尉朝廷賜錦被梁肉雲母屏風

升殿賜坐

宋天禧元年王旦加大尉入謝便座上以其羸瘠拜起頗難命
謁者扶掖升殿賜坐勞問又遣其子大理評事雍賁官告賜之
加襲衣金帶鞍勒馬如宰臣例

古今文集

雜著

段太尉逸事狀

柳宗元

太尉始為涇州刺史時汾陽王以副元帥居蒲王子晞為尚書
領行營節度使寓軍邠州縱士卒無賴吏不得問日羣行丐取
於市不嗾輒奮擊折人手足推金鬲糞盪盈道上把臂徐去至
撞殺孕婦人邠寧節度使白孝德不敢言太尉自州以狀白府
願計事至則曰天子以生人分公理公見人被暴害因恬然且

文新三

五

大乱若何孝德曰願奉教太尉曰其為涇州甚適少事今不忍
人无寇暴死以乱天子边事公誠以都虞候命其者能為公已
乱使公之人不得害孝德曰幸甚如太尉請既署一月晞軍士
十七人入市取酒又刃刺酒翁壞釀器酒留溝中太尉列卒取
十七人皆斷頭注漿上植市門外晞一營大譟尺甲孝德震恐
召太尉曰將柰何太尉曰无傷也請解佩刀選老臂一人持馬至晞門下甲者出
太尉笑且入曰殺一老卒何甲也吾戴吾頭來矣甲者愕因諭
曰尚書固負若属耶副元帥固負若属耶柰何欲以乱敗郭氏
為白尚書出聽我言晞出見太尉太尉曰副元帥勳塞天地當
務始終今尚書恣卒為暴且乱天子边欲誰歸罪且及
副元帥今邠人惡子弟以貨買名軍籍中殺害人如是不止幾
日不大乱大乱由尚書出人皆曰尚書倚副元帥不戢士然則

郭氏功名其去存者幾何言未畢晞再拜曰公幸教晞以道恩甚大願奉軍以從顧叱左右皆解甲散还火伍中敢譁者死太尉曰吾未晡食請假設草具既食曰吾疾作願留宿門下命持馬者去旦日來还卧軍中晞不解衣戒候卒擊柝衛太尉旦俱至孝德所謝不能請改過邠州由是无禍

上韓太尉書

蘇轍

太尉執事轍生好爲文思之至深以爲文者氣之所形然文不可以孝而能氣可以養而致孟子曰我善養吾浩然之氣今觀其文章寬厚宏博充乎天地之間稱其氣之小大太史公行天下周覽名山大川与燕趙間豪俊交遊故其文踈蕩頗有奇无此二子者豈嘗執筆孝爲如此之文哉其氣充乎其中而溢乎其兒動乎其言而見乎其文而不自知也轍生十有九年矣其居家所与遊者不過其鄰里鄉黨之人所見不過數百里之間

无高山大野可登覽以自廣百氏之書雖无所不讀然皆古人之陳迹不足以激發其志氣恐遂汨沒故决然捨去求天下奇聞壯觀以知天下之廣大過秦漢之故都恣觀終南嵩華之高北顧黃河之奔流慨然想見古之豪傑至京師仰觀天子宫闕之壯与倉廩府庫城池苑囿之富且大也而後知天下之巨麗見翰林歐陽公聽其議論之宏辯觀其容兒之秀偉与其門人賢士大夫遊而後知天下之文章聚乎此也太尉以才畧冠天下天下之所恃以无憂四夷之所悼以不敢發入則周公召公出則方叔召虎而轍也未之見焉且夫人之孝也不志其大雖多而何爲轍之來也於山見終南嵩華之高於水見黃河之大且深於人見歐陽公而猶以爲未見太尉也故願得觀賢人之光耀聞一言以自壯然後可以尽天下之大觀而无憾者矣轍年少未能通習吏事嚮之來非有取於斗升之祿偶然得之非

其所樂然幸得賜歸待選使得優游數年之間將歸益治其文且孝為政太尉苟以為可教而辱教之又幸矣

賀文太尉啓

蘇軾

伏審字號揚庭臨軒遣使出節少府授鉞齋壇夷夏聳觀兵民交慶蓋功業盛大則極名器而後稱惟德度宏達故處富貴而若无蔚為三世之宗臣豈獨一時之盛事恭惟留守太尉道本天合德為人師信及三川之豚魚威加兩河之草木身任休戚言為重輕始若留侯弱冠而遇高祖晚同尚父黃髮而亮武王既奉冊書益新民聽方將威懷北虜係頸長纓約束河公軌流故道然後入調伊傳之鼎歸躡松喬之游輿論所期斯言可必軾謫官有限趨侍无緣踴躍之心宣寫難及

古詩

上刘侍中

楊巨源

文新二

七

命代生申甫承家翊禹湯廟謨膺閭氣師律動清氣命東庸大山河誠誓長道叶陶鈞力思迴日月光一言弘社稷九命備珪璋朱門重祭戟丹詔半縑紉射鵬天更碧吹角塞仍黃功垂真石遠名映色絲香斷磧瞻貔武臨池識鳳皇珠影含空徹瓊枝映座芳軍容雄朔漠公望冠巖廊

律詩

御製段太尉碑詩

多難全高節時清終相君園莖標古篆雨露降天文

上羅鄴王

羅隱

營室東廻陰赤丘少年水龍擁青油坐調金鼎尊明主橫把瑀弓傲列侯

司徒

歷代沿革

少昊氏以鳥名官而祝鳩氏為司徒堯時舜為司徒舜攝帝位命契為司徒契玄孫曰微亦為夏司徒周地官司徒掌邦教秦為丞相官漢西京初不置哀帝元壽二年罷丞相置大司徒以孔光為之光武二十七年去大字自漢歷魏置為三公及晉迄江左其官相承不替宋有丞相又置司徒齊以丞相為贈官而司徒品秩冠服同丞相郊廟服冕同太尉梁又兩置陳氏以丞相為贈官後魏正光之後復兩置北齊廢丞相乾明中又兩置後周並廢丞相置司徒宋因之

羣書要語

帝曰契百姓不親五品不遜汝作司徒敬敷五教在寬書舜典司徒掌邦教敷五典擾萬民周官司徒脩六禮以節民性明七教以具民德齊八政以防淫一道德以同俗養耆老以致孝恤孤獨以逮不足尚賢以崇德簡不肖

文新三

八

以黜惡記王制司徒巡行縣鄙命農勉作月令大司徒之職掌建邦之土地之圖與其人民之數以佐王安擾邦國以天下之圖周知九州之地域廣輪之數辨其山林川澤丘陵墳衍原隰之名物禮地官九建邦國以土圭正其地而制其域同上以五禮防萬民之偽而教之中以六樂防萬民之情而教之和同上以保息六養萬民同上矧惟若疇圻父薄違農父若保宏父定辟注農父司徒也書酒誥和五教理人倫使風行俗平萬國咸寧者謂之司徒古今通語

詩句緇衣之宜兮敝予又改為兮適子之館兮還予授子之粢兮詩鄭風司徒清監懸明鏡杜洗兵馬

古今事實

丞相之職

晉何曾以太保侍中領司徒曾固讓詔曰司徒舊丞相之職自

古及今總論人物化治之本以君弘道故選於衆而復盤桓非所聞也

五教之官

晉石苞拜大司馬策免以公歸第詔以苞為司徒雖以過防受黜尋授五教之官深陳農桑本務明其考課居五年天下稱之

聖人在政

魯侯欲以孔子為司徒將召三桓議之乃謂左丘明左丘明曰孔子其聖人歟夫聖人在政過者離位焉君雖欲謀其將弗合乎魯侯曰吾子奚以知之丘明曰周人有愛裘而好珍羞欲為千金之裘而與狐謀其皮欲其少牢之珍而與羊謀其羞言未卒狐相與逃於重丘之下羊相呼藏於深林之中故周人五年不制一裘十年不足一牢何者周人之謀失矣今君欲以孔子為司徒召三桓而議之亦與狐謀裘與羊謀羞哉於是魯侯遂不與三桓謀而召孔子為司徒

文新三

少

父子善哉

鄭武公父子並為司徒善於其職國人宜之鄭風緇衣詩

股肱心膂

穆王命君牙為周大司徒王若曰嗚呼君牙惟乃祖乃父服勞王家厥有成績紀于太常今命尔子翼作股肱心膂續乃舊服毋忝祖考

謀謨帷幄

漢光武即位於鄗使使持節拜鄧禹為大司徒策曰前將軍禹深執忠孝為朕謀謨帷幄決勝千里今遣奉車都尉授印綬封為鄴侯邑萬戶敬之哉禹時年二十四

明察守正

侯霸字君房為大司徒封關內侯在位明察守正奉公不回

恭約尽忠

馮勤字偉伯迂司徒先是三公多見罪退帝賢勤欲令以善自終乃因宴見從容戒之曰朱浮上不忠於君下陵轢同列竟以中傷至今死生吉凶未可知豈不惜哉人臣放逐受誅雖復追加賞賜賻祭不足以償不貲之身忠臣孝子覽照前世以為鑒誠尽忠於國事君无二則爵賞光于當世功名列於不朽可不勉哉勤愈恭約尽忠号称朕任

憂念王室

袁安為司徒每朝會憂念王室未嘗不流涕

奏課農桑

石苞為司徒奏州郡農桑未有賞罰之制宜遣掾屬循行皆當均其土宜率其殿最然後黜陟

文新三

十

自執牙籌

晉土戎拜司徒雖位總台司而委事僚案間從小馬從便門而出遊見者不知其三公也故吏多至大官道路相遇輒避之性好與利廣收八方園田水碓周徧天下積實聚錢不知紀極每自執牙籌晝夜籌計宿若不足而又儉嗇不自奉養天下人謂之膏肓之疾

吏皆皂服

王渾迂司徒仍加兵渾以司徒文官主吏不持兵及吏屬絳衣自以非是舊典皆令皂服論者美其識体

清貧蔬食

華歆為司徒素清貧文帝出詔曰司徒國之雋老所以和陰陽理庶事今大官重膳而司徒蔬食甚无謂也特賜御衣

卧麗布被

劉寵為司徒卧籠布被

家無擔石

華歆文帝時為司徒素清貧祿賜以振施親戚故家无擔石之儲公卿常並賜没入家口唯歆出而嫁之帝歎息

子無立錐

范滂為司徒有宅數畝田不過一頃復惟與其兄子其妻常曰君有四子無立錐之計

迎還章綬

魏舒字陽元為司徒年過致仕有遜讓章而无居宅乃斬以俸秩之餘為第一所舒素為人先行而後言故未嘗語親踈言當遜位九年正月整法服入殿朝會罷迎還奉送章綬内外莫有知舒此情者

不汚官府

文苑英華

十一

山濤為司徒固辭已勅断章表乃卧加章綬濤曰垂没之人豈可汚官府乎輿疾歸家

板輿上殿

晋司徒傅祗疾遜位不許板輿上殿

劍履上殿

晋何曾以太傅領司徒受遜位詔以司徒所掌煩務不可以久勞耆艾其進位大朝會乘輿劍履上殿如漢蕭何魏鍾繇故事

詔頒天下

宋宰相呂夷簡詔特守司徒依前兼門下侍郎同中書門下平章事三表懇讓不敢當乃降詔上令錄其詔書頒于天下使四海之人知朝廷有退讓之臣

夢禾得秩

蔡茂字子礼為司徒在職清儉匪懈茂初在廣漢夢坐大殿極

上有三穗禾挑取之得其中穗輒復失之以問主簿郭賀賀離
席慶曰夫殿者官府之形象也極而有禾人臣之上祿也取中
穗中台之位於字禾失為秩雖曰失之乃所以得祿秩也衮朕
有關公其補之旬月而茂徵焉

見虹策免

郎顛上章曰切見今月十四日乙卯時白虹貫日見日旁氣色
白而純者名曰虹貫日中者侵太陽也見於日旁政變常也易
傳曰公能其事序賢進士後必有喜反之則白虹貫日以甲乙見
則譴在中台自司徒居位陰陽多謬宜黜司徒以應天意韓
詩外傳曰三公者司空司徒司馬也司馬主天司空主地司徒
主人故陰陽不調星辰失度責之司馬山林崩絕川谷不流責
之司空五穀不殖草木不茂責之司徒甲乙東方主春生殖五
谷之時也而白虹以甲乙日見明責在司徒也時刻崎為司徒

至陽熹三年策免

銅臭三公

崔烈歷位郡守九卿靈帝時開鴻都門榜賣官爵公卿州郡下
至黃綬各有差別入錢五百万得為司徒於是声譽衰減問其
子鈞曰吾居三公於議者何如鈞曰大人少有英稱歷位卿守
論者不謂當為三公而今登其位天下失望烈曰何謂然也鈞
曰論者嫌其銅臭

落水三公

宋謝超宗為人恃才使氣多凌忽司徒褚彥回因送湖州刺史
王僧虔閤道壞墜水僕射王儉驚跣下車超宗抚掌笑曰落水
三公墮車僕射彥回出水沾濕狼藉超宗先在僧虔舫声曰有
天道焉有地道焉天所不容地所不受投畀河伯河伯不受彥
回太怒曰寒士不遜超宗曰我不賣我劉得富貴焉能免寒士

乎

古今詩集

律詩

故司徒李公光弼

杜甫

司徒天宝末北收晋陽甲胡騎攻吾城愁寂意不愜人安若泰
山刺北断右脅朔方氣乃蘇黎首見帝業二宮泣西郊九廟起
顏壓未散河陽卒思明為臣妾復自碣石來火焚乾坤獵高視
笑祿山公又大猷捷異王冊崇勲小敵信所怯擁兵鎮河汴千
里初安帖青蠅紛營又風雨秋一葉内省未入朝死淚終映睫
大屋去高棟長城掃遺堞平生白羽扇零落蛟龍匣雅望与英
姿惻愴槐里接三軍晦光彩烈士痛稠疊直筆在史臣將來洗
箱篋吾思哭孤冢南紀阻歸楫扶顛求蕭條未濟失利涉疲爾
竟何人灑涕巴東峽

文新三

十三

司空

歷代沿革

司空古官少昊氏以鳥紀官爽鳩氏司空也舜攝
位以禹為司空契之子曰冥為夏司空商湯時咎

單為司空周時司空為文官掌邦事成王以毛公為司空春

秋時宋以武公之諱改司空為司城楚改司空為莫敖秦置

御史大夫省司空漢西京初不置成帝綏和元年更名御史

大夫為大司空哀帝建平二年復為御史大夫元壽二年復

為大司空光武二十七年去大字獻帝建安十三年又罷司

空置御史大夫魏省御史大夫置司空景初二年以司隸校

尉崔林為司空晉以荀顛為之歷宋齊梁陳後魏北齊皆省

御史大夫置司空後周二戡並廢隋氏諱忠以御史中丞為

大夫故又置司空唐司空一人宋仍之

羣書要語

舜曰咨四岳有能奮庸熙帝之載僉曰伯禹作司

空帝曰咨禹汝平水土惟時懋哉書舜典司空掌

邦土居四民時地利周官司空執度度地居民山川沮澤時四

時量地遠近具事任力記王制危東六星兩兩而比曰司空春

秋元命苞度量不審率事失理都鄙不脩財物失所則飭司空

家語凡營城起邑浚溝洫脩墳坊之事則議其利建其功凡四

方水土功課歲及則奏其殿最而行賞罰凡郊祀之事掌掃除

樂器大喪則掌將校復土凡國有大造大疑諫諍為太尉同後

漢百官志本注下理坤道上和乾元為司空漢官解詁司空主

土不言土而言空空尚主之況於實乎白虎通使國无枉理法

錯刑清事均民聚者謂之司空古今通語

詩句司空見慣渾閑事惱殺蘇州刺史腸杜牧

古今事實

文蔚三

十

物得其所

魯定公以孔子為司空乃別五土之性而物其所生之宜咸得

厥所家語

經為儒宗

漢師丹為大司空策免唐林上疏曰丹經為世儒宗德為國黃

若海內未見其大過免爵太重京師識者咸以為宜復爵邑使

奉朝請

內亞三鼎

齊孔稚圭為王敬則諫司空表曰故李通蒙賸以親寵登用王

基才勇以聲華入選先帝擢臣以榮華陛下申臣以富貴遂得

北帶五州東跨六郡內亞三鼎外齊四岳蟬佩之映則左右交

輝龜組之華則縱橫吐耀輕輪徐動則劍騎如雲飛蓋暫停則

歌鍾成列撥金龍吹鬱其前鳴笳笳鳳管疊其後鄧禹若不遭漢

光則南陽之椽史微臣若不逢明主則孤城之戍客豈可加以正台之席登以論道之寄放黃旌而燮五緯躡青帷而調四序

戢班三事

梁劉孝儀為臨川王解司空表曰臣以庸薄謬竊隆重戢班三事任總六條衣袞坐槐旣闕論道馳傳甜棠尤慙為政而俯司土地仰燮陰陽今水沴乃作旱魃為災乞降茲台步協此天人才行授官

唐長孫无忌策拜司空固辭不許又因高士廉奏曰臣幸居外戚恐招聖主私親之誚敢以死請太宗曰朕之授官必擇才行若才行不至縱朕至親亦不虛授襄邑王神符是也若才行所適雖怨讎不棄魏徵壽是也朕若以无忌居后兄之愛當多遺子女金帛何須委以重官蓋是取其才行尔

忠勤具望

晉荀蕃為司空刘琨奏曰司空荀蕃朝廷之舊官繼世忠勤乃心皇家具瞻之望唯蕃而已宜增位号授分陝之重

在功臣右

漢竇融拜冀州牧十餘日迁大司空融自以非舊臣一旦入朝在功臣之右召會進見容兒辭氣卑恭已甚帝以此愈親厚之得大臣節

漢牟融經明才高善論議顯宗数嗟嘆以為才堪宰相明年代伏恭為司空卒勳方重甚得大臣節

儒雅有畧

晉張華彊記默識四海之內可指諸掌拜司空儒雅有籌畧尽忠匡輔雖閻主虐后之朝而海內晏然華之功也

儒者為祭

漢伏恭為太僕帝臨辟雍於行礼中拜恭為司空儒者以為榮
斷斷守善

漢謝弼上封事曰今之四公惟司空劉寵斷斷守善餘皆素餐
不為苛碎

後魏伊馥拜司空及為三公清約自守為政奉大綱而已不為
苛碎

不修威儀

漢第五倫為司空奉公及節言事无依違諸子或時諫止輒叱
遣之吏人奏記及便宜者亦併封上其无私如此性質少文采
在位以清白稱時人方之貢禹然少醞藉不修威儀亦以此見
輕

不求名譽

漢任隗拜司空義行內修不求名譽以沉正見重於世

削封事業

漢陳羣司空前後數密陳得失每上封事輒削其草時人及其
子弟莫能知也論者或譏羣居位拱默羣竟正始中詔選群臣
上書以為名臣奏議朝士乃見羣諫事皆歎息焉

上諫猶疏

王朗為司空文帝頗出遊獵或昏夜還宮朗上疏諫帝報曰覽
表雖魏絳稱虞箴以諷晉悼相如陳猛獸以戒漢武未足以喻
方今二寇未殄將帥遠征故時入原野以習戎備至於夜還之戒
已詔有司施行

掃第以待

趙瑤自扶風太守來之郡司空張溫謂曰第五伯魚從蜀郡為
司空今掃吾第以待足下

去籍通客

陳寵為司空府故事以吏至時自公以下督屬籍不通賓客以防交關寵去籍通客以明無所不受論者大之

家無貨產

宋弘為大司空所得租俸分贍九族家無貨產以清行致稱

不營產業

晉司空王基著德立勳治身清素不營產業身沒行顯足用勵俗詔以奴婢二人賜其家

貞郎更直

唐裴寂策司空遣尚書貞外郎一人每日更直寂第其見崇貴如此太宗祠南郊命寂與長孫无忌同昇金輅寂固辭讓太宗曰以公有佐命之勳无忌亦宣力於朕同載參乘非公而誰遂同乘而歸

金輅同昇見前

文新三

十七

白衣三公

漢荀爽董卓秉政徵之起巖穴九十五日而為司空時号为白衣登三公

列侯三公

魏司空關孟康奏切見司隸校尉崔林稟自然之正性体高雅之宏量論其所長以比古人忠直不回則史魚之儔清論守約則季文之匹遂為司空封安陽亭侯三公封列侯自林始也

便令掃除

五代馮道入朝拜司空唐制三公為加官无單拜者或云三公正宰相便合參大政又云合策授又云祭祀時便令掃除道聞之曰司空掃除也吾无所憚既而知非乃止

願上印綬

漢彭宣自御史大夫轉為司空會王莽為大司馬秉政專權宣

上書言年齒老鈍數伏疾願上大司空長平侯印綬乞骸骨歸鄉里

立李士班

宋天禧四年以資政大李士太保致仕王欽若為司空職如故時欽若求侍東宮講誦以輔世兼領三少品序非便表求換秩乃有是命止立李士班

非賞勞臣

宋熙寧二年宰臣曾公亮司徒兼侍中韓琦提舉兩朝實錄乞有不推恩上以為有例而公亮奏臣當遷司空琦太保三公非賞勞之臣從之

古今文集

雜著

除文彥博守司空依前樞密使加食邑實封制王珪

文新三

十八

朕若稽先王維御羣品左謀金鉉之老以經治於廟堂右屬鴻樞之良以定策於帷幄厥有成績可勿褒乎具官某風力肅明器資恢傑臨至劇有轉圜之易定大謀如執王之堅逮事神文之朝已緝熙於鼎路追言聖考之遇又密勿於機廷肆涼昧之不承會精神於羣慮雖兵民之異本亦文武之交修未隆贊冊之恩曷懋圖庸之幸其保宏父允釐華陽碩豈名位之私終繫老成之助於戲有若闕天尚迪文王之彝罔俾阿衡以專商家之美往篤爾烈永承于休

除呂公著守司空同平章事制

蘇軾

仁莫大於求舊智莫良於用衆既得天下之大老彼將安歸以至國人皆曰賢夫然後用今朕一幸仁智在焉宜告治朝以孚大号具官某訐謨經遠精識造微非堯舜不談昔聞其語以社稷為悅今見其心三年有成百揆時叙維乃烈考相子昭陵蓋

清淨以寧民亦勞謙而得士凡我儀刑之老多其賓客之餘在
武丁時雖莫追於前烈作召公考固無易於象賢而乃屢首封
章力求退避朕重失此三益之友而閔勞以万機之煩是用迂
平土之司釋文昌之任毋發議論時遊廟堂於戲大事雖咨於
房喬非如晦莫能果斷重德無逾於郭令而裴度亦寄安危罔
俾斯人專美唐世

除司空呂公著上表辭免不允批荅 蘇軾

夫國以得人為疆如猛獸之衛藜藿以積賢為室如珠玉之茂
山川湛然無為物自蒙利故崔公發議則淄青慙服知朝廷之
有人蜀使抗詞則孫權回顧歎張昭之不在得失之效豈可同
日而語哉朕之用卿意實在此國計之重可無復辭
律詩

挽宋司空

歐陽永叔

文新三

十九

文章天下無雙譽伯仲人間第一流出入兩朝推舊德周旋三
事著嘉謀從容進退聲名泰寵錫哀榮禮數優崇棣從來敦友
愛九原相望接松楸

開府儀同三司

歷代沿革

漢文帝元年用宋昌為衛將軍位亞三司章帝建
初三年使車騎將軍馬防班同三司三司之名始

此殤帝延平元年鄧騭為車騎將軍儀同三司儀同之名始此
魏黃權以車騎將軍開府儀同三司開府之名始此晉羊祜
為車騎將軍開府如三司之儀自是以後又有如開府同三
司之儀者自祐始焉宋大宰已下至光祿大夫開府者為文
公大司馬以下至諸將軍開府者為武公梁置位次三公從
一品隋開皇中以為四品散官煬帝改為從一品同漢魏之

制位次王公唐武德改為輕車都尉後以開封儀同三司為文散官雖三公三師亦必冠以此號宋因唐節度使兼平章事號使相元豐定官制既罷同平章事遂以節制開府為使相而文武寄祿官亦存之大元開府儀同三司從一品

羣書要語

階極儀台權相嚴震墓誌聖王納制九命俾尊於開府唐大詔開府崇階視儀上宰曲阜行燕達

贈使相制班同衮章齊王儉拜儀同三司章位次王公隋宜進

秩於八命儀亞槐庭常衮制班同三事東觀記位逾九卿班同

三府表宏洪紀禮隆八命秩比三公常衮加杜冕儀同制秩視

三公南齊書神夢紫霄心飛舟掖品同儀比視鉉莫殊王僧孺

代表心馳紫路登文石而莫由日送白雲拜承明而未果江總

謝儀同三司表開府之榮名重矣矧優其禮命視於文品為第

一南豐擬制臣七慶紫霄聯休皇極地均棲月既無迹以成高

文新三

升

仕若乘風故不行而自遠論其才望有愧茂弘先佩印綬常羞叔度梁庾肩吾武陵王拜儀同章

詩句清新庾開府杜開府當朝傑杜

古今事實

歷動文武

晉恭始八年詔曰衛將軍羊祜歷文武有佐命之勳其為車騎將軍開府如三司之儀

著信蠻夷

隋何稠為散騎常侍安集嶺南欽州刺史宥猛方欲為逆至是請身入朝稠為之約詣京師後猛入朝上大悅曰何稠著信蠻夷乃至於此以勳授開府國史補

閑居俸給

開元以前舊例開府特進雖不帶事皆給俸祿與朝會皆崇官

威德罷劇就閑者居之

不以名稱

宋璟不以名稱止曰宋開府

班同衮章

王儉拜儀同三司班同衮章

位登衮朕

徐孝嗣加儀同三司孝嗣聞詔歛容謂左右曰吾德慙古人位登衮朕將何以堪之固辭不受齊書

寵賜帳褥

晉太始七年以鄭袤為司空稱疾上送印綬至于十數久之見許以侯就第拜儀同三司置舍人官騎賜牀帳簾綈錢五十萬

詔賜几杖

文新三

廿八

蔡謨免皇太后詔以謨為左光祿大夫儀同三司遣謁者孟洪就加冊命謨上疏陳謝遂以疾篤不朝詔賜几杖門施行馬

乘輅服

李賢遷儀同三司太祖西巡至原州幸賢第讓齒而坐行鄉飲酒禮其後又至原州令賢乘輅備服儀以諸侯會遇禮相見然後幸賢第歡宴終日凡是親族頒賜有差

夢升台鉉

陳章昭達字伯通字應初授鎮前將軍開府儀同三司初文帝夢昭達升台鉉及旦告之至是侍宴酒酣顧昭達曰卿憶夢否卿何以償對曰臣當效犬馬之勞以及臣節自餘無以奉償

疇其勳績

元康詔中書監光祿大夫張華歷世腹心情所馮賴故疇其勳績使儀同三司而虛冲挹損難違高志其以光祿大夫儀同三

司本職如故

不登台司

華廩爲太子少傅甚得輔導之義河南尹韓壽賈后之妹夫次以女配廩孫陶廩拒不許深以爲恨故不登台司疾篤乃進位光祿大夫儀同三司

開府千餘

北齊後王驕縱無度諸濫得富貴者將數萬人庶姓封王者百數開府千餘儀同無數馬及鷹犬乃有儀同之号關雞亦号開府

執笏百餘

隋高祖受禪李穆來朝高祖降坐禮之拜太師子孫雖強祿必拜儀同其一門執笏百有餘人

古今文佳

文新三

廿二

雜著

除皇弟似守太保充保平鎮安等軍節度使依前開府儀同三司蔡王制

曾肇

朕惟本朝之制厚公族之恩列第京師不忍使之去國兼榮將相未嘗責以治民豈惟致敷叙之仁抑亦隆夾輔之勢矧吾寵弟實位真王念方屬於妙齡將即安於外邸雖云密迹能不疚懷肆率徽章用字群聽具官出神明之胄鍾襟祝之祥氣稟溫良生知遜悌雅愛圖書之習夙堅忠孝之誠桐葉疏封已侈盤維之寄棣華致好每敦和樂之私比遵朝著之趨尚處宮隅之邃屢觀啓奏祈避禁嚴志雖莫回情實未忍思在宗之誼宜忘原隰之哀顧開府以時維廢國家之典廼蠲穀旦增峻官儀更兩鎮之節旄正三師之位叙兼陪并賦益壯宗藩於戲周誥孟侯則曰無康好逸漢詔諸子亦云無迓宵人蓋位不期驕者人

情之常寵至益戒者前哲所尚往服休命永綏令名
古詩

投贈哥舒開府翰二十韻

杜甫

今代麒麟閣何人第一功
君王自神武駕馭必英雄
開府當朝傑論兵
邁古風先鋒百勝在畧地
兩隅空青海無傳箭
天山早掛弓
廉頗仍走敵魏絳已和戎
每惜河湟棄新兼節制
通智謀垂睿想出入冠諸公
日月低秦樹乾坤繞漢宮
胡人相逐北苑馬
又從東受命邊沙遠
歸來御席空軒墀曾寵鶴
政獵舊飛熊茅土知名數
山河誓始終策行遺戰伐
契合動昭融勳業青冥上交情
氣槩中未為珠獲客已見白頭翁
壯節初題柱生涯獨轉蓬
幾年春草歇今日暮途窮
軍事留孫楚行間識呂蒙
防身一長劍將欲倚崆峒

律詩

文新三

廿三

上開府

范純仁

三紀中書更有誰致君堯舜以皇夔
頻年力請方歸第天子臨軒冊太師

特進

制諸侯功德優盛朝廷所敬異者賜位特進
位
在三公下故曰特進自宣帝用太子外祖許廣洪

歷代沿革

為平恩侯位特進而特進之名始見於此
其後或領城門兵得奉吏如五府
王商或見禮如丞相得置從事
史張禹或給事中視尚書事
薛宣或奉朝請
傅喜或議大政
張禹其職不一
後漢皇后兄弟率為特進侯
一漢及魏晉以為加官元康

中惠帝定今特進位次諸公在開府驃騎上
容時位從公陳因之後魏
裴濟用人皆以舊德
隋文帝以為散官不治事煬

帝設唐為文散官雖不帶職事皆給俸祿得預朝會班列依本品之次皆崇官盛德罷劇就閑者居之宋元豐新制改尚書左右僕射為特進居文階之首大觀著令非宰臣不除大觀三年修成中書敕令格式四十卷諸非宰臣不除特進政和間薛昂以觀文殿學士白時中以門下侍郎並帶特進繼改金紫光祿大夫今後非宰臣不得除官制舊典除改非宰相不除特進大觀已有此法非起於政和也**太宗**開府儀同三司之下有特進

羣書要語

特進以加文武之德齊者隋百官志二品崇階謝國東制諸侯勳德之盛則就加特進以寵之李光

顏除特進制位次三公居驃騎儀同之上非茂勳後德曷以處之李德裕集神策刘公神道朝位特見刘阮特進制特進崇班自并冠諸侯之上馮延巳制大見信用魏人特進仍踐其位赫赫三事躬佩其綬曷日太平張九齡上姚令公書

古今事考

位次三公

後漢樊宏位特進次三公

榮亞三公

李德裕謝加特進狀漢制進以文冕列侍清祠榮亞三公品居第二自非李深張禹功重實融則何以膺是寵章

尊為國師

謝承後漢書云趙典尊為國師位特進寢則布被瓦器而食為天子師

張禹雖居家以特進為天子師國家每有大政必与定議漢書進達名士

曹勝加位特進其所進達皆海内名士

極言進諫

陰識拜執金吾位特進入則極言正諫至為賓客語不及國事
慕仲山甫匪躬之節所用掾吏皆天下俊哲司馬彪後漢書

特見優禮

後魏刁雍拜特進以年高特見優禮

特賜安車

後漢梁適位特進賜安車駟馬

古今文集

律詩

贈特進汝陽王

杜子美

特進羣公表天人夙德升霜蹄千里駿風翻九霄鵬李業醇儒
富辭華哲匠能筆飛鸞聳立章罷鳳鸞騰

廿子

新編古今事文類聚卷之三

新集

南江富大用時可編

省官部

尚書省

歷代沿革

尚書省猶唐虞夏大麓之職也書納于大麓王肅注云堯納舜於尊顛之官大錄方機之政周官司書鄭玄云若今尚書秦時少府遣吏四人在殿中主發書故謂之尚書尚猶主也有尚書令尚書僕射尚書丞至漢武帝時左右曹諸史分平尚書奏事知樞密者始領尚書事昭帝時霍光以大將軍領尚書事成帝初王鳳以大司馬師丹以左將軍並領尚書事後漢章帝以大傅趙熹太尉牟融並錄尚書事尚書有錄名自熹始和帝時太尉鄧彪為太傅錄尚書

事位上公在二公上漢制遂以為常每少帝立則置大傅錄尚書事猶古冢宰摠已之義豐輒罷之漢初尚書雖有曹名不以為號及靈帝以待中梁鵠為選部於是始有曹名摠謂之尚書臺亦謂之中臺大事八座連名而有不合得建異議二漢比自屬少府魏晉以後亦公卿權重者為之自置中書省有監丞之掌儀衛之任而尚書之權漸減矣宋曰尚書寺居建禮門內亦曰尚書省亦謂之內臺事梁陳至國機要悉在中書獻納之任又歸門下而尚書但聽命受事而已後魏天興元年置八部大夫於皇城四方四維以擬八座謂之八國各有屬官分尚書二十六曹及諸外置令大夫主之四年又復尚書二十六曹天賜元年後罷別置武歸修勤二職分主省務神龜元年始置僕射左右丞及諸曹尚書十餘人各居別寺北齊尚書省亦有錄令僕射摠理六尚書事謂之都省亦

謂之北省後濟北王以太子監國立大都督府與尚書省分
理衆事仍開府置佐後周無尚書隋高祖時尚書省事无不
摠置令左太僕射各一人摠吏部禮部兵部都官度支工部
等六曹事是爲八座屬官左右丞各一人都事八人分司管
轄唐制略同尚書省都堂居中左右分司堂東有吏戶禮三
行每行四司左司統之西有兵刑工三行每行四司右司統
之凡二十四司分曹共理而天下之事悉矣龍翔二年改尚
書省爲中臺咸亨初復舊完宅元年改爲文昌臺垂拱元年
又改爲都臺咸亨初復舊長安二年又改爲中臺神龍初復
爲尚書省亦謂之南省宋朝尚書省掌六曹諸司文書施行
制命舉省內紀綱程式正御史糾不當者聽內外枉屈辨訴
凡六曹不能決者總而決之天元參用古制建尚書省總領
紀綱儀刑端禁器尚書令左右丞相及平章政事二人任宰
相之職掌丞天子平章萬機其屬有左丞右丞及參知政事
二人執政之官爲宰相之式佐治省事又有左司掌總察吏
戶禮三部受事付事右司掌摠察兵刑工三部受事付事二
司各有郎中員外郎都事等員在外別置行省

羣書要語

輔位明堂遺象麟閣漢謝朓表尚書職居天官政
化之本南齊詔尚書百官之本國家樞機六典尚
書萬事之本王化所由宜參貳親賢以康庶政晉穆帝詔天下
樞要在於尚書韋彪傳文昌天府晉百官表注堯試舜於大麓
者領錄天下事如今之尚書且得大賢乃可使處議特平焉相
譚新論陛下之有尚書猶天之有北斗也斗爲天喉舌尚書爲
陛下喉舌斗斟酌元氣運平四時尚書出納王命賦政四海東
漢李固疏

詩句尚書北斗尊顏貞卿集德履星辰北斗寒三能只闕片雲

間周家宰均四海漢制尚書本百官揚誠齋詩

古人文集

都堂居中

唐制尚書省都堂居中央左右分司堂東西凡二十四司分曹共
理司九前沿革

宋制用黃

唐高宗時勅曰制勅施行既為求式比用白紙各有虫蠹自今
尚書省須下諸州縣並用黃紙

百官揔已

太尉鄧彪元勲之族二讓弥高海內歸仁為羣賢首聰明康強
可謂老成人矣其以彪為太傅錄尚書事百官揔已以聽漢和
帝策書

三公絕席

張禹拜太傅錄尚書鄧太后以殤帝初育欲令重臣居禁內乃
詔禹舍宮中給帷帳牀褥大官朝夕進食五日一歸府每朝贊
與三公絕席

謹慎周密

前漢張安世拜大司馬車騎將軍領尚書重職典樞機以謹慎
周密自著外內無間嘗有所薦其人來謝安世以為宰賢建能
豈有私謝邪絕弗復通有郎功高不調自言安世應曰君之功
高明主所知人臣執事何長短而自言乎絕不許已而郎果遷
又莫府長史迂辭去之官安世問以過失長史曰將軍為明主
股肱而士無所進論者以為譏安世曰明主在上賢不肖較然
臣下自脩而已何知士而薦之其匿名迹遠權執如此本傳

中正弘遠

晉元康元年詔司徒王渾秉德中正識量弘遠歷位內外文武

勳庸著在方策宜參弼機衡以亮天工其令錄尚書事曰書

三人參錄

大尉趙峻二出掌典機衡有匪石不貳之心大司農李固公侯之苗忠直不回有史魚之風今以峻為大傅固為大尉與大將軍龔參錄尚書事

東西二錄

晉宗室會稽王道子進位丞相錄尚書假節都督中外諸軍事勢傾天下道子出子元顯又加錄尚書事道子政無大小一委元顯時謂道子為東錄元顯為西錄

典職六年

章帝詔曰司空牟融典職六年勤勞不怠其以牟融為大尉錄尚書事

典樞十年

孔光領尚書事凡典樞機十餘年守法度修政事不希旨苟合志誅曹節

竇后臨朝以陳蕃為太傅錄尚書事蕃與后父大將軍竇武同心尽力徵用名賢共參政事志誅常侍曹節等以其諂事太后多行貪虐天下之士莫不延頸相望太平及事泄曹節矯詔誅武等蕃遂見害

恥為魏臣

魏楊彪為大尉錄尚書事及李催郭汜之亂彪尺節為主崎嶇危難之間幾不免於害見漢符命將終自以累世為三公恥為魏臣遂稱足不復行積十餘年魏文帝即王位欲以為大尉令近臣宣旨彪辭曰嘗以漢朝為三公值危亂不能立尺寸之益若復為魏臣於國之選亦不為榮也帝不奪其意

劔復上殿

汝南文成王亮為太宰錄尚書事入朝不趨劔履上殿增掾為十人與太保衛瓘對掌朝政

讚拜不名

晉泰和元年詔會稽王朕承洪緒乃聞善誘損徽五教儀刑且瞻其以日立為丞相錄尚書事入朝不趨讚拜不名劔履上殿給羽葆鼓吹班劔六十人

暴風拔木

北海王祥初迁大將軍錄尚書事祥已拜命其夜有暴風震電拔木倒立識者知其不終後魏書

天火示災

東晉元興元年舍下火是時拍言用事出鎮姑熟名雖在外實遙錄尚書故天火示不復用也徽祥記

古今事實

雜著

尚書省謝車駕臨幸表

林希

天臺肇建具崇喉舌之司帝車下臨增重陞廉之寄非常之舉視古無偏恭惟 皇帝陛下天縱多能日新盛德剷除衆弊裁制萬微考先王之董治官立尚書以為政本紀綱條理見微旨於新書勅作規模別攸司於著位蓋慮之積年而成於茲日聞諸前世而驗於方今忽紆清蹕之傳采登鴻都之觀且北辰居極外環象斗之宮而黃道所經旁及積星之位瞻威顏於咫尺被法語之丁寧敕以在公退而交徹分曹卽屬燦然周典之文望輦拜恩陋彼漢郎之嘆矧復宗藩旅進禁從相趨凡獲侍於宸遊皆預窺於聖作歡聲載溢慶榮遇於一時信史備書流美談於萬世臣等叨膺重任久負明恩顧懷備位之慙策劇逢辰之幸敢忘策勵期稱寵臨

尚書曰令

歷代沿革

秦置令丞屬少府漢因之武昭之後其任稍重宣
帝時任中尚書官元帝時弘恭石顯相繼為中書
令元帝被疾不親政事遂委任焉及肅望之領尚書事知顯
專權建言以為尚書百官之本國家樞機宜以通明公正處
之武帝游宴後庭始用宦者非古制請罷中尚書中書古尚
書奏事故連言之及光武親總吏職權歸尚書三公但受成
事而已自魏至晉宋齊秩皆千石品並第二梁加秩中二千
石班第十六陳加品至第一後魏北齊及隋品皆第二唐因
之太宗初為秦王署尚書令其後人臣莫敢為遂廢其官其
國政樞密皆委中書至代宗以親賢有大勳遂特拜尚書令
五代梁開平二年詔升尚書令為正一品宋朝因之 **大元**

尚書令一人正一品

羣書要語

摠百官之得失管王政之開塞者端右之職也晉

書國家司摠括百揆憲範王猷式是群群故必簡

德而拔量才而受謝石疏百揆之首摠參機衡出納朝政治績

之所由也晉起居注寵納大麓七政以齊內成外平風雨不迷

補我衮闕闡我王猷王猷允塞四海咸休雖聖雖明必賴良才

无曰我智官不能任發言如絲其出如綸千里之應樞機在身

藝吳尚書議平原帶地資緒極天王或謝開封尚書令表揚職

萬機摠任百揆權衡庶物準的羣僚可以助日月之光華增天

地之高厚北齊邢子才謝表尚書掌出納王命敷奏萬機令摠

統之隋百官志天府文昌萬方之數天官冢宰無所不統禮尊

三獨事摠百揆江摠諫表昔之冢司今日端撰同上司會治本

冢宰朝端摠紳所屬儀刑攸在同上八座比於文昌二丞方於

管轄苟非稱職竊位與譏刘自知北斗為天之喉舌尚書陛下
之喉舌李固疏八座之享百揆之首白帖

尚書令

端撰官

漢光武親總吏職天下事皆上尚書與人主參決乃下二府尚書令為端撰之官

三獨坐

後漢尚書令主贊奏專摠領紀綱無所不統與司隸校尉御史中丞朝會皆專席而坐京師號曰三獨坐

能識亡書

前漢張安世以父任為郎太子行幸河東嘗亡書二篋詔問莫能知唯安世識之後購求得書以相授無所遺失奇其材擢為尚書令

之新の

七

明晉故事

漢侯霸字君房光武徵霸與車駕會壽昌拜尚書令時無典故朝廷又少舊臣霸明習故事收錄遺文條奏前世養政法度有益於時者皆施行之○漢黃瓊字世英遷尚書令明習故事號為富贍

直言無撓

漢中屠剛為尚書令蹇蹇為直言無所屈撓

駁議合意

後漢宋約為尚書令忠正直言數納策謀每駁議未嘗不合上意本傳

臺閣崔日習

漢黃香自遷僕射月餘為尚書令增秩二千石上惜其幹用臺閣舊習遂見尊重香亦勤力憂公畏慎周密每月奏議所建畫未

凡流布

宮闕故事

陳忠為尚書令數進忠言辭旨弘麗前後所奏悉條於宮闕為故事

言旨切直

任防為尚書令朕典樞機竭忠於國數條便宜譏刺時政以補闕失言旨切直

清儉履後道

晉太熙元年詔曰夫摠百揆之得失管王政之開塞者端右之職也自漢以來每選此官常慎其人議郎王戎清儉履後道庸勳著十已試其以戎為尚書令

頭軻輿輪

後漢申屠剛遷尚書令光武嘗欲出遊剛以隴蜀未平不宜宴安逸豫諫不見聽遂以頭軻乘輿輪遂止

諫回帝車

陳矯為尚書令明帝幸至尚書門矯問曰陛下欲何之帝曰欲案行文書尔矯曰此臣職分非陛下所宜臨若不稱職則請就黜帝慙回車

不接賓客

陳蕃為豫章太守性方峻不接賓客徵為尚書令送者不出郭門

不阿豪勢

楊惟拜尚書令平心正直選奉高妙進善嫉惡不阿豪勢

皆慎選舉

左雄為尚書令限年四十九先試經然後奉孝廉故雄為令在位者各肅清時稱曰左作豪為尚書天下皆慎選舉

每擢英俊

衛良拜尚書令每當選卒拔擢天下英俊及二千石長吏功次者用之

剪邪截曲

劉祐拜尚書令正身機密剪邪截曲不撓在臣

旌賢退惡

羊陟拜尚書令明審選卒旌賢退惡

治身无嫌

唐約字仲謙拜尚書令自典樞機數有直言美策以補察主上每作表疏皆手自書之處官任職不言其利之事富公法不阿所私京師號曰治身无嫌唐仲謙

厥德仁明

郭賀字喬卿為尚書令百姓歌之曰厥德仁明郭喬卿忠正朝

文新中

九

廷上下平

號為清能

呂文字季陽代董允為尚書令庶事無留門無停賓又歷職內外治身儉約為政不煩號為清能然持法刻深外用俗吏故聲名損於郡縣時

為世名公

晉裴秀為尚書令創制朝儀廣陳刑政朝廷多遵用之以為故事在位四載為當世名公

二令君美

荀彧守尚書令課試令史以下覈其才能有闕於文法不能決疑處事者即時遣出帝嘗謂曰魏武帝言荀文若之進善是不進不止荀公達之退惡不退不休二令君之美亦望於君也

三日猶香

荀彧為尚書令持節持士坐不累席其在臺閣不以私意撓公
劉季和嘗曰荀令乃召至人家坐處三日香

焚毀故案

魏荀彧為尚書令嘗以書陳事臨寤皆焚毀故案竒策密謀不
得及聞非正道不用名重天下莫不以為儀表海內英俊咸宗焉

停滯庶事

蜀費偉字文偉代蔣琬為尚書令時戰國多事眾務煩猥偉識
寤過人每省讀書記卒目擊是視已究其意旨其速數倍於人終
亦不忘當以朝晡聽事其間接納賓客嬉戲博奕每尽人之歡
事亦不廢董允代偉為尚書令旬日之間事多停滯允乃嘆曰
人才力相懸若此非吾所及

飛白題壁

宋玉僧虔為尚書令為飛白書是尚書壁曰圓行方止物之定
質修之不已則溢高之不已則躓引之不已則遺是故去之宜
疾賞時嗟賞以比座右銘

高蟬趨帳

梁何敬容為尚書令專預機密後以罪免職復為余紫光祿
大夫未拜又加侍中敬容舊時賓客門生喧譁如昔會稽謝郁
致書戒之曰昔君侯納言加首鳴玉在腰四豐貂以步天昌聳
高蟬而趨武帳不以此時薦才拔士少報聖王之恩今人猶有
踵君侯之門者未必皆感惠懷仁冀君侯之復用也君侯宜杜
門念失无有所通

賜劔書名

鄧壽為尚書令壽為僕射章帝賜諸尚書劔惟壽等二人手自
署姓名尚書令韓稜楚龍淵僕射鄧壽

乘車就席

齊謝朓徵為司徒尚書令朓辭脚疾不堪謁仍角巾自輿詣雲龍門既見乘小車就席

儀體玉立

山濤啓事尚書令李胤廷願缺宜得其人征南將軍羊祐躰儀王立可以整肅朝廷

尖頭筆公

後魏古弼為尚書令太武大閱將校獵於河西弼留守詔以肥馬給騎人弼命給弱者太武大怒曰尖頭奴敢裁量朕也還臺先斬此奴弼頭尖太武常名之曰筆頭時人呼為筆公屬官惶怖懼誅弼告之曰吾謂事君使田獵不過盤遊其罪小也不備不虞使我寇恣逸其罪大也今北狄孔熾南虜未滅狡馬之志窺伺邊境是吾憂也故選肥馬備軍實為不虞之慮苟使國家有利吾寧避死乎太武聞而嘆曰有臣如此國之寶也

何為復讓

晉王述每得官無所辭為尚書令子坦之勸讓述曰汝言我不堪邪但曰非也但克讓自是美事耳述曰既云堪何為復讓

復表不受

唐代宗以郭子儀為尚書令子儀讓以太宗昔居此官累聖相承曠而不置詔不允勅令宰相百官於尚書省送上子儀復表讓不受

空函忤意

相溫素忌殷浩因其北征軍敗乃上疏請擯浩於荒裔寬坐發為庶人後溫復欲以浩為尚書令遺書告之浩欣然許之將答書慮有謬誤開閉者數十竟遺空函大忤溫意由是遂絕

書名見朝

何遜為尚書令貪悞為時所唾鄙其書名敬字則大作苟小

為文容字則大為文小為口陸陔戲之曰公家苟既奇大父亦不小敬容遂不能答又為漏禁中語故嘲謂日至當有客姓吉敬容問卿與邢吉遠近客答曰如明公之與蕭何

文文集

○雜著

除口蒙正尚書僕射制

邦國政治蓋出於中樞朝廷紀綱盡歸於會府矧乃端揆之任聿居師長之崇苟非台鉉之賢焉慰播紳之望且官呂蒙正挺生英氣符合昌期目光夢卜之求遂荷藍梅之寄謨明匪懈亮直不渝爰自天官拜持政柄洎和鼎興時維老成朕欽若丕圖建用皇極雖弼綸大駟固未協於康哉而勵翼小心亦備觀於勤止頌齡隆平之望且均勞逸之功長是中臺式茲百辟

行尚書省

見後行省

新編古今事文類聚卷之四

新集

南江富 大用 時可編

○都省部

中書省

殊代沿革

魏黃初初改秘書省為中書省武帝以秘書省并中書省

各一人後齊中書省自管司王言及司進御之音樂并司伶官

又領舍人省掌署勅行下宣旨勞問階內史省自各一人

煬帝大業十二年改內史省為中書省唐武德三年改內書

省曰中書省龍朔元年改曰西臺光宅元年改中書省曰鳳

閣開元元年改中書省曰紫微省時謂尚書省為南宮門下

左省自中書省為右省自宋中書省掌進擬庶務宣奉命令除授省

臺寺監長貳館閣帶職提舉官已上臺諫章奏臣僚陳請具

革發置及內外取旨之事又有尚書省門下省謂之三省

大元初有尚書省續以中書省為都省有中書省左右丞相左

丞相平章重事平章政事右丞左丞叅知政事簽書省事斷

事官左右司郎中員外郎都事管勾承發司照磨經歷知事

管勾在外又置行中書省至元二十四年復改為尚書省

古今事實

有瑞柳樹

呂渭授禮部侍郎中書省有柳樹建中末枯死貞元元年車駕還京後其樹再榮人謂之瑞柳樹渭試進士取瑞柳為題上聞而嘉之

謂鳳凰池

中書省地在樞近多承寵任是以人固其位謂之鳳凰池通典

為東西臺

治平二年祖無擇言門下中書與尚書二省其長官皆宰相之任今乃左省在西右省在東不可乞將中書省與門下省對移唐龍朔中嘗改左右省為東西臺

曰左右曹

漢應邵官儀曰左右曹受尚書事前世文士以中書在右因謂中書為右曹又稱西掖

古今文集

古詩

贈徐幹詩

劉楨

誰謂相去遠隔此西掖垣抱恨清切禁中情無由宣

直中書省詩

謝文暉

紫殿肅陰陰彤庭赫弘敞風動万年枝日華承露掌玲瓏結綺

文新五

錢深沂映珠網紅蕖當壚翻蒼苔依砌上莖言翔鳳池鳴佩多清響信美非吾室中國思偃仰明情已鬱陶春物方駘蕩安得

凌風翰聊恣山泉賞

中書郎詩

卜伯玉

大方信包含優渥遂不已躍鱗龍鳳池揮翰紫宸裏

行省

麻花沁革

自魏晉有之謂之行臺魏末晉文帝時諸葛誕散騎常侍裴秀尚書僕射陳泰苗門侍郎鍾會以行

臺從晉永嘉四年東海王越帥衆許昌以行臺自隨後魏亦

置行臺孝武永熙三年罷諸行臺尋詔復以渤海王高歡為

大行臺隨機裁處後齊亦皆隨權制而置負焉隋置行臺省

有尚書令僕射都事侍郎等負蓋隨其所管之道置於外州

謂之行臺尚書省。唐武德初以諸道軍務事繁分置行臺尚書省。貞觀以後廢。後諸道只各置採訪使。兼判尚書事。蓋行臺之遺制也。宋無行臺省。大元外道置行省。有左右丞。參政。僉行省。浙事官同僉省。咨議郎中。員外郎。都事。照磨。管勾。匡維。將士。鎮撫。疆場。儲積。器用。愛活黎民。隱若敵國。顏氏家訓。張道。携為晉州行臺左丞。

君書要語

古今事實

理邊民節

北齊武定八年辛術為東南道行臺東徐州刺史。郭志殺郡守文宣聞之。勅術曰。江淮初附。百姓難向。京師留卿為行臺。欲理邊民。冤枉。監理牧守。自今以後。所統十餘州地。諸有犯法。刺史先啓聽報。以下先理。後表。齊代行臺兼總民事。自術始也。

有王佐才

新五

北史蘇綽為周文帝行臺郎中。在官歲餘。未見知臺中。咸稱其能。僕射周慧達稱其有王佐才。時文帝與公卿往昆明池觀魚。至漢故蒼池。顧問左右。莫有知者。或曰。蘇綽博物。乃召問。綽應對如流。文帝嘉之。乃令綽並馬至池。及夜還。留綽問以政道。卧而聽之。文帝乃起。整衣冠危坐。不齋。懸之前。席語遂達。曙詰朝。謂周惠達曰。蘇綽真奇士也。即拜大行臺左丞。奏典機密。自是寵遇日隆。

辦槽解圍

獨孤永業後主時為河陽道行臺僕射。洛州刺史周武帝親攻金墉。永業出兵禦之。曰。是何達官作何行動。周人曰。至尊自來。主人何不出看。客永業曰。各行忽速。是故不出。乃連夜辦馬槽二千。周人聞之。以為大將軍至。乃解圍去。

備艇全橋

北齊張亮為行臺左丞高仲密之叛也與斛律金守河陽周太祖於上流放火舡燒河橋亮乃備小艇百餘艘皆載長鑠之頭施鉤火舡將至即馳小艇以鉤之之分鑠向岸舡不得及橋之獲全亮之力也

專制河南

侯景為南道大行臺位司徒言於神武曰恨不得兵三萬橫行天下要須濟江縛取素銜老翁以作太平寺主神武壯其言使擁兵十萬專制河南仗任若已之半躰

拜鎮東都

屈突通判陝東道行臺左僕射時從討王世充世充平論功第一拜陝東道大行臺右僕射鎮東都

中書令

文新五

麻茂泌革

周官內史掌王之八柄掌書王命蓋其任也漢有

中書謁者令丞屬少府自武帝遊宴後庭始用宦

者典掌尚書謂之中書謁者置令僕射司馬千被腐刑之後

為中書令即其任也宣帝任中尚書官皆宦者為令僕射元

帝亦以宦者為中書令謂中人為无外黨遂委以政事无

大小皆决之成帝改中書謁者令曰中謁者令罷中書宦者

更以士人為之後漢省獻帝時魏武為魏王置秘書令典尚

書奏事此又中書之任也魏黃初置中書令為秘書改令

為監典尚書奏事又置監與令各一人秩並千石而中書典

尚書奏事若密詔下州郡及邊將則不由尚書權自此重矣

晉監令並第三品掌贊詔命記會時事典作文書舊尚書并

掌詔奏故有中書官而詔悉由中書也宋晉更重其職多以

諸公領之中興之後以中書之任併入散騎省後復置之宋

齊亦置監令。**梁**中書監令並增秩至二千石。**陳**因之以中書分為二十一局各掌尚書諸曹總國機要而尚書唯聽受而已。**後魏**置監令各一人監為正一品令為正二品。**北齊**及**魏**後周依周官春官府置內史中大夫二人掌王言蓋比中書監令之任後又增為上大夫。**隋**文帝廢三公府僚令中書令與侍中知政事遂為宰相之職煬帝十二年改為內書省。**唐**武德初為內史省龍朔二年改令為右相光宅二年改內史開元初改紫微令。**宋**中書令正一品以檢校官兼中書令謂之使相國初未定官制前異姓未有兼中書令者惟贈官有之太祖太宗時加中書令者惟趙普一人。**大元**中書省有中書令為宰相之職掌承天子平章方機

君事書白要語

掌軍國之政令緝熙帝載統和天人入則告之出則奉之以釐萬邦以度百揆蓋以佐天子而執大政者也。**唐**六典壁門天達鳳沼神深絲綸王言出納帝命朱謝並議中書令表職掌詔命王獻之中書令啓

古今事實

銅印軺車

晉制中書令銅印墨綬進賢兩梁冠絳朝服佩水蒼玉乘軺車風閣為臺

自隋唐以來除改百官必有誥勅而其制蓋須申中書門下省故劉樹之云不經鳳閣為臺何謂之勅

尊寵任職

前漢司馬遷既被腐刑之後為中書令尊寵任職

賢明選士

蕭望之以中書政事宜以賢明之選自武帝遂宴後庭故用宦者非因舊又違古不近刑人之義而欲更置士人

朝端稱宜

太寧初肅祖詔溫嶠曰卿既以令望忠允之懷著於周旋且文清而旨遠宜居深密今欲卿以為中書令朝端咸稱以為宜

貴倖傾朝

石君防與弘恭皆少年腐刑為黃門以選為中尚書宣帝時任中書官以恭為令君防為僕射恭死君防為令貴倖傾朝

中書並掌

魏黃初中改秘書為中書以劉放為監孫資為令遂並掌機密歷文明齊王三世

中書專任

蔣濟字子通時中書監令號為專任濟上疏曰大臣太重者國危左右太親者身弊古之至戒也往者大臣秉政外內翦動陛下卓然自賢乃機莫不祇肅夫人臣匪不忠也然威權在下則

文新五

六一

衆心慢上勢之常也陛下既已察之於大臣願無忘於左右

中書五郎

晉諸公讚陳淮為中書令張華為監與華俱處機密而推崇之每至直詔書无小大先示華了方措意華得詔書不復示淮者省中號淮為中書五郎其從容如此

中書令公

高允為中書令魏文帝重之不名呼為令公

同車異車

晉記初中監令常同車入朝及和嶠為令荀勗為監嶠意高抗專車而坐乃使監令異車自此始

大令小令

晉陽秋中書王獻之卒以王珉為中書令世稱大王令小王令珉父洽永和為中書令至此珉復紹父人以為奕世令聞

可謂清官

晉王延之代張縉為中書令何偃嘆曰晉以子者李玟為此職今以延之代縉為之可謂清官後接之者實為未易

曰真忠臣

高允為中書令高宗禮敬甚重晨入暮出或積日居中朝臣莫知所論或有上書言得失者高宗省而謂群臣曰君父一也父有是非子何為不作書而諫之使人知惡而家內隱處也豈有以父親恐惡而彰於外也今國家善惡不能面陳而上表顯諫此豈不彰君之短明已之美至如高允者真忠臣也

將授清顯

晉王洽為中書令年二十九將授之從兄胡之遺書曰弟今二十九便居清顯要任敢不敬以先為弟啓義讓之路焉若年至四五十之間雖復起登公輔亦非吾所豫况降此還者耶洽遂不拜

宜處機近

王珉傳詔曰新除侍中珉才多廣贍理識清通宜處機近以叅時務其以珉為長兼中書令

親幸草屋

高允拜中書令司徒陸麗曰高允雖蒙寵待而妻子不粒高宗是日幸允第草屋數間布被緇袍高宗歎息久之曰古人之清豈有如此即賜帛五百疋北史

召付紙筆

徐光初有文才年十三王陽攻頓丘掠光令抹馬光但書柱作詩賦左右以白石勒勒令召光付紙筆光立作頌賜衣服遷中書令後趙錄

啓乞授子

晉諸公瓚華廩為中書監時多事不泄啓世祖之授子蒼答詔
先時荀勗為中書監病風復使息暢書啓事皆前後相承以子
弟管之

表乞除監

王道表曰臣表乞得中書監持節專一所司端誠保傳惟力是
視有詔曰昔荀公曾從中書監為尚書令人賀之乃發志曰奪
我鳳凰池卿諸人賀我耶願足下與之勿疑

宰相叅領

王獻之為中書令啓瑯琊王為中書監表曰中書職掌詔命非
輕才所能獨任自晉建國常命宰相叅領中興以來益重其任
故能王言彌徽德音四塞者也

內樞兼管

宋恭始起君注王言之職總司清要中將軍丹陽尹王景文夙
尚弘簡情度淹粹忠規茂績玉資國道宜兼管內樞以重其任

平和有文

吳志胡冲平和有文幹天紀中為中書令

言語辨捷

張尚有俊才孫皓時為侍郎以言語辨捷見知擢為侍中中書

風儀秀逸

後魏任城王澄為中書令肅順使庾華來見澄音韻道雅風儀
秀逸謂主客郎中張尋曰往魏任城以武著今以文見美也

進止詳華

唐溫彥博遷中書令朕降詔議所以安邊者彥博請如漢置
降匈奴五原塞以為捍蔽而魏証廷爭徵不勝其辨天子卒從
之其後突厥可汗弟結社謀反帝始悔云彥博善辭令每問四

方風臚傳誥命若成誦然進止詳華人皆拭目觀高祖嘗宴所
臣遣秦王諭旨既而顧左右曰何如温彦博

若失一臂

薛收子元超拜中書令兼左庶子帝幸東都留輔太子監国手
勅曰朕留卿若失一臂顧太子未習庶務閔中事卿悉專之

為第一功

房元齡太宗即位為中書令第功班賞第一與杜如晦長孫无
忌尉遲敬德侯君集功第一

執政事筆

裴炎輔太子是為中宗改中書令舊宰相議事門下省號政事
堂長孫無忌以司空房元齡以僕射魏証以太子太師皆知門
下省事至炎以中書令執政事筆故徙政事堂於中書省

介奸黨間

文新五

九

蕭至忠為中書令時宗楚客懷奸植黨而韋巨源楊再思李嶠
務自安无所弼正至忠介其間独不詭隨時望翕然歸重帝亦
曰宰相中至忠最怜我

父子相失

崔湜拜中書令時父挹以吏部尚書得謝而性貪數為人請託
以干湜湜多不從由是父子相失玄宗在東宮數幸其第申欵
密

妻子不粒見前親去辛草屋注

二真相逼

初嘉貞在兵部而張說已為侍郎及皆相說位在其下議論无
所讓故說不平未幾嘉祐拜金吾將軍兄弟要近人頗憚媚帝
幸太原嘉貞以賊聞說誅嘉貞素服待罪不謁遂出為幽州刺
史說代其處嘉貞銜悔謂人曰中書令幸一負何相逼如此

四俊見稱

嘉貞性簡疏與人無疑所薦中書舍人苗延嗣呂太一考功員外郎員嘉靜殿中侍御史崔訓皆位清要日與議政事故當時稱曰今君四俊苗呂崔員

倡封禪議

張說進中書舍人倡封禪議受詔與諸儒草儀多所裁旨

撰封禪頌

東封還為尚書右丞兼中書令詔說撰封禪壇頌刻之太山以夸成功初源乾曜不欲封禪說固請乃不相平及升山執事官當從者說皆引所厚超階五品從兵推加勳而不賜衆怨其專

屏風隔坐

紀儻景皇時為中書令儻父亮為尚書令每朝會語以屏風隔坐

殿前再拜

太安元年有胡人入雲龍門殿前再拜曰我當作中書監今付都虞候治之

創綠野堂

裴度徙東都留守加中書令時闡豎擅威天子擁虛器縉紳道喪度不復有經濟意乃治第東都集賢坐繫山穿池竹木叢萃有風亭水榭梯橋架閣又於午橋創別墅花木万株中起涼臺署館號綠野堂與白居易劉禹錫為文章把酒窮晝夜相歡不問人間事而帝知度年雖及而精神不衰每大臣自洛來必問度安否開成三年以病而還東都真拜中書令

進金鏡錄

張九齡為中書令時天長節百官上壽多獻珍異唯九齡進金鏡錄五卷言前古興發之道上賞異之

衣錦書遊

魏元忠為右僕射兼中書令請歸鄉拜掃特賜錦袍一領銀千兩并給千騎四人充其左右手勅曰衣錦書遊在乎茲日散金敷惠諒屬斯辰

布衣位相

岑文本始為中書有憂色母問之荅曰非勲非舊責重位高所以憂也有來慶者輒曰今日受弔不受賀或勸其營產業文本歎曰吾漢南一布衣徒步入閔所望不過祕書郎縣令尔今无汗馬勞以文墨位宰相奉稍已重尚何殖產業耶故口未嘗言家事既任職又賚賜豐饒皆令弟文昭主之

力諫遜位

郝勳後遷中書令帝多疾欲遜位武后勳復諫曰天子治陽道后治陰德陽之與陰各有所主不相奪也况天下者高祖太宗之天下也陛下為子而守之不宜持國以與人

自後缺位

玄宗時宰相蕭嵩加中書令自張說為中書令後缺此位四年嵩得之常帶河東節度使

掌文誥職

張九齡一代詞宗為中書令引韋陟為中書舍人與孫逖梁涉對掌文誥時人以為美談

有刀筆才

吳薛瑩條例吳事曰胡中意性調美心識解暢有刀筆才閉於時事為中書令雖不能匡矯亦自守不能苟求容媚

奪我鳳池

荀勗自中書監為尚書令人賀之乃發恚曰奪我鳳凰池何賀之有

指謂鷄樹

劉放孫資共典樞要夏侯獻曹聲心內不平殿中有鷄棲樹二人相謂此亦能幾指謂放資也

命傳嚴鼓

太宗車駕征遼中書令岑文本卒帝親臨視撫之流涕其夕帝聞嚴鼓三聲曰文本殞逝情深惻但今宵夜敬言所不忍聞命傳之

索焚表章

馬周為中書令臨終索陳事表草帙手自焚之慨然曰以官案章君之過求身後之名吾弗為也

身為安危

郭子儀為中書令二十四考以身為天下安危言行錄

請言優劣

文新五

十一

唐顯元二年紫微令姚崇奏紫微舍人六員毋議事請舍人同簽狀凡事有是非理均與奪人心既異所見或殊抑使雷同情有有不盡臣以為執見不同者望請別作連本狀同奏若狀語交牙恐煩聖思臣既見官長均望於兩狀後畧言二理優劣聽進止則人各盡能官無留事勅曰可

開國舊勳

宋趙普端拱初三入相稱疾上表致仕以普為西京留守河南尹加中書令懇辭再四太宗賜手詔曰開國舊勳惟卿一人而已不同他等毋即固避

台樞令德

王旦罷相薨翰林李士承旨李淮等奏議曰太尉王旦踐歷台樞將二十載紀律用張方夏侯服諷然令德洽于民瞻贈太尉中書令

韓通贈中書令制

劉敞

易姓受命王者所以徇至公臨難不苟人臣所以明大節具官
定交霸府委質前朝荷戈共歷於艱貞錫壤迭分於戎律朕以
三靈睽祐百姓樂推言念元勳方疇異渥蒼蒼黃遇害良用撫然
追升浴鳳之池式表潛龍之舊

新編古今事文類聚卷之五

新集

